

長樂縣志卷之二

知長樂縣事安成賀世駿編纂

建置志

城池 街巷

公署 坊表

倉庫 古蹟

兵衛 新構

防海 橋渡

鄉都 郵政

第宅

邑建于唐上元閒變甌脫為甸服制猶草昧也後廼設雉堞浚濠池增高濬深得固圉之本矣自是臨政有堂儲積有廩備豕突而遏鯨吞則武鋒與關鎮並設他如鄉都之繡錯牙分第宅之雲連星布街巷之經縱緯橫以至棹楔上接雲霄略約下臨水際往冊所載皆可以覘體國經野之全又况憚獨有歸瘞埋有所尤纖細具備乎悉而書之

長樂縣志

卷之二

建置

一

而修廢舉墜猶得藉為考鏡之資云志建置

城池

縣治自唐上元元年移置六平吳航頭城池之制歷宋元缺焉明弘治三年知縣潘府乃拓地而城之廣袤僅里許門東曰六平西曰雙江南曰十洋北曰首石後雖時加修葺然規模卑隘所謂一邑之都會何以稱也嘉靖癸丑倭夷寇浙東闕海弗靖巡撫王忬巡按趙孔昭請城長樂遂發公帑金萬二千餘緡知縣詹萊董其役閱十月而功成城高一丈五尺厚一丈週千肆十五丈有奇水關五窩舖五十有七門東曰鎮

海西曰清江南曰陽春北曰拱極其西南門以便民出入曰平政嘉靖戊午知縣楊汝輔復造敵臺一十三座城南有河知縣戴時望鑿于辛酉歲西引江潮東接溪水環城一帶藉以爲固而舟航直至東門民便之隆慶己巳知縣蔣以忠改水關之木柵爲石梁柱崇禎辛巳知縣夏允彝請于中丞蕭公奕輔擴城二百八十丈有奇北踞山巔造城樓一敵臺四水關一石橋一窩舖二十覽勝亭一舊城樓敵臺窩舖城堞圯者建之毀者葺之更請于中丞蕭公巡按李公嗣京開河五百三十丈引江水達于外浦引外浦之水環繞南城內達

長樂縣志

卷之二

城池

二

于學宮之前潛通泮池與城隍之溪水相接又引浦水與鰲頭之水合引入城內至太平橋與小有天之泉水相接大小舟航皆可入城又引二水由東而北直達東門城外于是城外有池城內有水守備益固凡費三千八百金皆以歷年所行常平餘利寺租餘銀梅花倉餘米成之士民各樂助資力

三月而城工成一月而河工成縣丞郭元貞董其役

邑人鄭世威前

築城記長樂卽古新寧唐上元初遷置今所東界巨海北界連江西南界閩縣其南多界福清腹裏爲邑不城不隍民固帖然狎于農桑鮮識兵革洪武間聖祖命城沿海諸衛所爲備倭計未始議城吾邑弘治庚戌上虞潘公府奉例始城之規制弗稱久之寢頽然而四境寧謐無事防守先後凡數百年于茲迨嘉靖壬子島夷寇浙東而黃巖赤城之間告變旁

午於是提督閩浙軍務姑蘇思質王公忬屢檄城事而邑之士民罔卽應命上之人亦狃于其故而執議弗堅也旋請報罷乃思質王公軫念吾邑震隣之懼諄諄然力主其事謀諸巡按侍御邢臺玉泉趙公孔昭暨藩臬守巡諸公僉謂長樂宜城檄下我邑令詹侯侯乃籲衆咨諏款諭上意士民始躍然用命侯上其狀報可於是議財用時木石相基址量工命日事事貲費悉出自公帑募游民而傭之四方利若直者繼至雖坊里各役一人各轄一區不過稽其成而已城高若厚各丈有奇周一千四十丈設水關凡五上環雉堞旁闢四門重屋其上南曰陽春北曰拱極東曰鎮海西曰清江又西南便民門曰平政始于是年十月迄逾年甲寅七月工不愆素民不告勞而城成焉侯謂邑之大事不可無紀廼率士民徵言於余余惟設險守國重門禦暴古先哲王保邦之道所不廢也卽四方平定不可無城况去海最邇而浙東前車之戒又宛然在目者乎今全閩無恙刁斗未聞幸賴諸當道爲民捍患亟議徙薪而詹侯又能祇承德意作我長城先事之防盖屹然金湯之固矣夫經之營之有俶其城繫我公之德撫字之保障之庶民倚賴之繫我侯之德後之蒞吾城者仰其

長樂縣志

卷之二

城池

三

德必思所以濟其美外患旣殄內政益修而信孚而守固庶幾熙熙然復見海濱鄒魯之盛詎非今日訐謨偉烈有以貽百世而不泯者歟侯聞之瞿然曰某也何敢當唯王公之德斯民之力遂立石于清江之濔書其事之始末用垂永久云侯名萊浙之常山人丁未進士時僚佐師賓及諸所相厥成者併列之碑陰劉沂春後擴城記長樂於閩稱外邑首枕山襟海流峙盤環俗樸風淳卽通籍數世者鮮厚藏初未營城守在四境嘉靖壬子島夷匪茹頻犯吳越閒時當道念殷震鄰亟議設險吾邑侯詹父毅然承之畫圖報可彼時公帑充溢工貲有措踰年而工告成恭介鄭司寇先生曾記其事迄今幾九十年周遭如故居者晏然閱歲旣久雖頻加葺治而樓櫓營壘諸凡傾矣最病者在昔欲速其功城北不依圖制舍崇卽卑憑阿可瞰大非形勝所宜詹父嘆曰用力而苦繼懷隱憂用財而吝久將厚耗肩背不振而衆安苟成後有識者當憶吾言廓大之數十年來猶爾因循也閒有談及如彼行邁謀然適沂春街恤歸里年餘矣集輿議請于夏父父已報政士懷德造神享民安利弊靡不興除慨然曰前緒未竟吾將拓之而庸他諉卽帑無餘鏹吾則官有餘閒吾摻伍之

虛冒者若而糈廩之出納者若而餘城市隸戶者三日役三
壤之晦酌通毫釐計可三千三百餘緡民不損官不費役可
舉矣與事屢省敢辭瘁耶條上于撫按藩臬諸公欣然可其
議於是鳩工庀材擴北之址于崇岡約二百八十丈有奇畫
地分築擇人稽之新造拱極門樓一谿關一敵樓四窩舖二
十舊四門仍之如樓臺舖舍關隘雉堞悉行修飭望之肩背
巍聳環衛鮮明補前湫隘之偏堅緻無敝有謂格格難就糜
費不支者惡知籌之既審三千三百餘緡給之裕如也使憚
其煩難狃於燕處諉之帑虛復待後人士庶何賴焉夫召伯
營謝保王舅也山甫城齊去薄姑也甲戌我惟築爲征淮夷
徐戎也城邢城楚邱則罹狄變懲而愆後患也夏父獨凜未
雨之防不繇命督而開大其舊控扼險要且舉于匱拙之秋
民若不知改作海晏山恬烽銷柝震昌明之慶垂裕無疆視
召伯山甫諸君功相萬也吾邑人其何敢忘諸耆老請記沂
春愧無恭介之德望然不敢以固陋謝也爰叙其畧而鐫之
石役始于辛巳七月之杪人各晨夜展力不三月工竣夏父
諱允彝別號緩公直隸華亭人丁丑進士其政平信孚上下
一乃心力撫軍南海寧齋蕭公奕輔寶主其議贊其成者臬

長樂縣志

卷之二

城池

四

長開化竹孫徐公世蔭屯道華亭臣裴董公象恒也邑少尹
仁和郭君元貞出入披星赫曦灑澍甘與備作伍經度鼓舞
靡倦皆可紀也馬思理記沈亞之云閩城吻海而派江輔山
以居安昌猶是也自晉至隋唐間爲原豐爲閩爲新寧尋爲
長樂所治稱甲潦上元初防禦使董玠徙治吳航頭吳航者
記所云吳王夫差畧地至此作戰艦今縣西太平港是也港
上引武夷諸溪出劍津合大江以輸之海國朝世廟閒知縣
事戴公時望鑿河城南西引港導潮東接溪流環城阻險以
爲固去今蓋八十年所矣積歲不理信水不入而客水時涸
內溪湮外流併塞空規殘狀不可復識居毗咸病之雲閒夏
公受天子命來吏茲土報最之明年崇禎十四年也強恬拙
舒教化大行而又寬禁緩求誘起之以趨事用衆之請爲闢
二百八十丈之城不損公不募民以金計凡三千三百有奇
以工計則三閱月矣費省而功倍徒役鳧藻翁然勸趨其仁
民之效之見于事者若此于是又慨然念邑居弗寧人文凋
敝則風氣滯壅襟抱虧疏也且有高壘而無深溝不可以守
迺捐金五百爲濬澮通川凡四千九百餘尺外驅江水活活
下來由西達東與鼇山水合使堅城下淵然天險利一臂發

外浦由南而北引洫入城達于巽宮之左脉通雍泮煥爲文明利二浦水合鼇山水泄流入城南行至太平橋溶溶歷阜落天光浩歌揚帆不輪爾載而又巽水沸會長發其祥民阜士奮教富兩益利三此二水合流再繞西城而東環注城隅又南而北直抵東門之下則東城之外池懷而衛之形家大以爲便處東偏資其利濟利四若夫支分澤入田爲沃壤雖火雲藝天猶漑百頃溪浸懷山歸同四瀆古西門豹之引漳漑鄴鄭國之鑿涇就渠豈足多哉是役也咸曰安昌羸邑又時誦誦又不可以需公獨能鼓舞之以得其力爲難余以爲不然語曰夫利仁者或借仁以從利體義者不期體以合義誠與不誠之異也當城役未舉瞠瞠縮縮議莫能就稅敢不可請助不得公私掃地赤立雖仁人長慮却顧以圖民便有不暇以爲及其務耕桑節用簡賦緩徭與民休息弛舍哀取之中適則私廩固有餘作大役而民不知者矣然非清修雪白又力能推行之者未易以幾則今日之所難皆非公之所難而公之所難世又不暇以爲無他釣奇而飾名者營已之私而徇時之趨舍其于民也若搔抑偶而無與其痛癢又烏能使民愉其生利其業如公今日者哉役始于十月竣于

長樂縣志

卷之二

城池

五

十一月爲水關一石橋一城樓一增開泮池九尺公爲人推誠與人通于世務以經術潤飾吏事事類古人其立常平倉常歲平歛荒年蠲救又時其緩急而先後之人不病饑而官府蓄積似劉晏視稅定役馳微戶使無所與定戶完糧里無役侵而閭閻樂輸其詳定役法似沈括蘓軾立同善會而鄉之鰥寡孤獨者有養則古之使郵亭鄉官皆畜雞豚以贍貧窮也似次公誘進儒生親自飭勵使人人爭自濯磨以有成成立似文翁不爲鈞距而得事情鞭罰示辱終不加笞似劉寬是役也行視水泉開通溝瀆爲民興利善于計畧似召信臣嗚呼杜詩之水排鮑昱之方梁石洫李吉甫之平津堰論古對能蓋兼之矣而要其誠則公獨有之非世之釣飾奇名者所望也故爲之著其所見以爲記而永之石

朝乾隆二年知縣殷鳳梧領帑重修乾隆十一年知縣戴永

樸領帑重修乾隆二十一年知縣賀世駿領帑重修凡城門

五水關一水閘四砲臺一十三窩舖二十四塚口九百三十

八一切完固

梅花千戶所城在二十四都梅江頭山上離縣治四十五里

北鄉巡簡司明洪武一十年江夏侯周德興奉命造立城池
于此委福州右衛指揮李榮督造三面跨海南建沙岡延袤
三里城高一丈八尺廣六尺周六百四十八丈女墻一千二
百二十戰樓二十有四窩舖二十東西南三面各闢門東門
至海南門面山西則水門潮至舟航抵城下內則梯巖架屋
櫛比鱗次皆兵民之居最稱雄峙城外歲患飛沙漸積沙與
城平每春以所軍挑之司空董應舉議築墻于海以禦沙因

長樂縣志

卷之二

城池

六

山足以置基而其功難就尚有待焉但挑沙必勤毋令日積

亦庶幾云

明莆田御史朱澗梅花城詩吳航盡處是梅花
嶼孤城寄水涯萬里樓臺通海氣半空笑語落人

家月移峰影侵宵柝風送潮聲答暮笳閒倚危欄開望眼高
低斥鹵半桑麻知縣詹萊督餉梅花城詩凌險山程逼憑高
海望賒寒光凝細柳微雨暗梅花鯨鯉吞千里貔貅列萬家
運籌憐脫帽折俎嘆量沙喬木經霜秀輕舟逐浪斜戍樓通
島蜃雉堞點林鴉巖谷從何達書空祇自嗟何如王子晉吹
笛弄烟霞邑人高棟梅江謠六月登玉京炎蒸欺人不可行
側聞梅江水寒冰玉壺只如此梅江之水千丈深人言此水
值千金未必稱人意我獨愛之清塵襟皆山樵人造我語相
攜尋幽指何許塵心飛度象潮雲水濶天長未言苦青眼故
人如白鷗招邀待我黃沙頭採秀探奇入靈境上攀龍峰最
高頂龍峰絕頂窺蓬瀛登高望遠形神清大江茫茫瀉溟漲
元氣浩浩無虛盈飛濤一髮雪花白遥山數點琉球青欹帆
側舵凌空濶歷亂中流棹歌發居人雲水弄生涯撒網拋綸
到窮髮君不見龍峰山陽五百家龍峰市上半魚蝦儒生不

學老農稼青門多種故侯瓜三尺兒童誦詩禮向予亦指長
風沙一嚴兵備限荒服百雉孤城鎮海涯孤城獨戍揚威武
島夷蠻胡竄如鼠清秋幕府偃旌旗白日轅門卧貔虎如此
承平百事無江山秋水待吾徒諸賢傾倒平生意瓊杯綺席
來相娛我愛江山對君酌江山笑我醉猿鶴從來心事戀烟
霞漸老誰知愧林壑今日向君傾綠尊千觴不斷別離魂臨
岐揮手謝知己飛心騁目瞻天門興為梅江謠醉別梅江去
他年此地濯塵纓憶得西城別君處邑人王恭答梅江謠詩
云梅江水流浩浩居人盡說梅江好自從梅江築城池使車
絡繹無昏早梅江水深復深行人一見懷千金老父平生愛
江水日飲一石無貪心青蘿盤盤數峰色憑登望見扶桑白
蜃氣朝凝鮫女宮珠光夜炤天吳宅居人生少依江皋架屋
梯巖結構牢沙鷗不肯逢機事江叟何嘗識縣曹我我百雉
連山郭島夷清寧無剽掠將門子弟解逢迎大姓兒郎談禮
樂有時江上漁歌發挨舵抽篷向空濶踰躑竹簍紫蠓肥撥
刺金盤素鱗活龍門子何處來向予西指鳳凰臺京行此別
三千里暢飲應須數百盃謝公好為蒼生起山中猿鶴徒為
爾到日江淮有鯉魚尺書先寄梅江水王自聞賦載藝文

長樂縣志

卷之二

城池

七

年久沙壓

國朝康熙五十八年知縣衛良佐改為寨計長

二百二十四丈有龍東石蓬島雪洞諸勝雍正十一年知縣

殷鳳梧領帑重修乾隆十年知縣戴永樸領帑重修二十七

年知縣賀世駿領帑重脩

石梁蕉山城在十五都石梁之蕉山離縣治三十五里依山瀕

海東有磁灣為倭寇出沒之衝明洪武六年設防倭巡簡寨

司嘉靖己未生員鄭暹鄭時華等呈請拓寨為城工久弗就

旋圯隆慶三年知縣蔣以忠捐俸倡民輸助僅乃底績城周

三百六十丈高一丈餘廣八尺門南曰阜財北曰鎮安東曰

朝陽西曰戴恩斯一隅之保障且一邑之控扼也歷久未修
國朝乾隆二十四年知縣賀世駿領帑重修現在堅固

松下城在二十都明洪武六年設防倭巡簡寨司嘉靖庚申生
員陳志玉耆民吳齊禮等呈請拓寨為城周三百一十六丈

高丈二尺廣八尺東西南北闢門四水關一基定中輟陳省遊松

下詩崇禎九年巡撫沈公猶龍從董司空應舉議此地為省

南口鐵障擴城上包山下塞海共四百八十丈費一千八百

金曹觀察學佺力佐之其議乃定知縣夏允彝捐助三百金

諸生鄭際明董其事林逢經佐籌畫焉工成奏于朝巡撫賞

長樂縣志 卷之二 城池

金并旌際明之門 國朝乾隆元年知縣殷鳳梧領帑重修

二十四年知縣賀世駿領帑重修現在堅固

小社寨在二十都明洪武六年設防倭巡簡寨司崇禎癸酉知

縣鄭尙友移廳解于大社溝嗣廢至小社寨仍舊只設塘汛

墉下城在二十都嘉靖辛酉居民倡造周一百八十七丈高一

丈二尺廣八尺原設南門樓一座

公署 就今制登記 附夏志備考

長樂縣署唐上元元年始遷今所自明崇禎閒知縣夏允彝重

修後漸傾圮 邑歲貢生陳子欽有廳事對云堂古瓦稀賴巨棟屹然四面海風吹不動樹深烟渺幸重門洞

若當頭天
日照無私

國朝順治四年燬於寇閒有修葺祇屬權宜以
儀門為廳事康熙四十八年知縣崔振琳仍舊制一概重修
監生陳洪漢助銀四百兩建廳事前為戒石亭又前為儀門
為鼓樓廳事下左為吏舍前六閒後一閒廳事下右為吏舍
前六閒後四閒儀門外東為獄房為福德祠為足食倉為倉
王廟儀門外西有戲臺廳事西為穿堂崇禎閒知縣鄭尙友
門改北向後旋復南向穿堂右為花廳幕房在花廳後內署
在花廳前退思軒在花廳之西乾隆十年知縣戴永樸折戒
石亭書其箴掛廳事倒照於上乾隆二十二年知縣賀世駿

長樂縣志

卷之二

公署

九

捐修堂廡儀門鼓樓樹棹楔於戒石亭舊地外曰海濱鄒魯
內曰百里具瞻 縣丞署在儀門之西共貳座左座康熙閒

災存右座及前後廂房數閒乾隆二十四年縣丞裁署歸縣
主簿署久歸縣署 巡捕署在儀門內之東兩座右有吏

舍福德祠乾隆十年典史楊沛雨重建後座

夏志長樂縣治
自唐上元時始

建廳事宋皇祐閒縣令吳仲舉於廳西建絃歌堂熙寧五年
縣令蕭竑於廳事後建求誨堂有記元祐中縣令袁正規建
樂古堂于廳事西俱圯元至元閒達魯花赤荅失蠻仍舊制
建立洪武十四年知縣邱宗亮構六房兩廊各六閒立儀門
置戒石亭景泰元年知縣龍翰修葺廳事置獄房于儀門外
東弘治三年知縣潘府扁廳事曰公廉後堂曰三事有記有
箴十一年知縣王渙重建鼓樓于儀門前又于廳事東構六
房吏舍凡二十四閒正德十年知縣曹鎡重建穿堂及廳事

嘉靖二十四年知縣俞介拆戒石亭更爲中門四十年知縣戴時望仍改中門爲戒石亭崇禎十二年知縣夏允彝重修○知縣廨在儀門內之西前後二座明弘治三年知縣潘府移割于大堂之西嘉靖二十六年知縣吳遵扁廳曰不愧堂有記萬歷開知縣李奇珍建退省齋並懋軒崇禎七年知縣鄭尙友門改北向○縣丞廨在廳事之西前後二座卽知縣舊廨也至弘治三年知縣潘府割于知縣廨之西嘉靖十五年縣丞王元恩修知縣舊廨爲丞廨○主簿廨在廳事之西前後二座卽縣丞舊廨也至弘治三年知縣潘府割于儀門內之西知縣廨之後嘉靖十五年縣丞王元恩修縣丞舊廨爲簿廨崇禎五年因主簿裁汰并入知縣廨○典史廨在儀門內之東景泰元年知縣龍韜創

教諭署

詳見學宮

訓導署

詳見學宮

察院在縣治東半里許今改爲箭道

詳見觀音寺

長樂縣志

卷之二

公署

十

布政分司在縣治東數武明洪武初創成化三年叅政趙 改

新之前後廳三閒中爲穿堂儀門大門各三閒東西廂房各

三閒嗣廢

按察分司在縣治西數武明洪武二十年創嘉靖四年知縣汪

瑄重修前後廳三閒中爲穿堂儀門大門各三閒東西廂房

各三閒後爲千總廨嗣圮

公館舊志在縣治西三十步明洪武開知縣邱宗亮創後改察

院之西前後廳各三閒中爲穿堂門三閒嗣廢

陰陽學舊在稅課司前明洪武十八年創隆慶四年知縣蔣以

忠重建南山塔下嗣廢

醫學舊在稅課司前明洪武十八年創隆慶四年知縣蔣以忠
重建南山塔下與陰陽學比連嗣廢

北鄉巡簡司在二十四都見上梅花城嗣廢

蕉山巡簡司在十五都廳解門各三間嗣廢

小社巡簡司在二十都崇禎癸酉知縣鄭尚友移其廳解于大

社今大社解已廢小社解地乾隆十年奉 憲給照賣與民

閒蓋屋

松下巡簡司在二十都廳解門各三間舊治福清縣海口明洪

長樂縣志

卷之二

公署

十一

武二十年移置今所巡簡趙位哲創嗣廢

河泊所在十五都明洪武十七年創弘治十三年重建廳解門
各三間後廢

都司解五進共一十七間在縣治東街

千總解在縣治西卽舊按察分司

庫

架閣庫在縣廳事西貯庫藏錢糧銀兩并各色贓物

庫藏房在縣幕廳後貯歷輪軍黃冊籍

火藥庫明崇禎十四年知縣夏允彝建在廳事東後移在舊察

院地 國朝乾隆二十六年知縣賀世駿移在箭道後山上
倉

東預備倉在鼓樓東明崇禎十二年知縣夏允彝增修改為常
平倉 國朝雍正八年知縣姚孔鍼重修又改為足食倉
際留倉在東廊吏舍前久廢

舊足食倉在縣治東察院旁因縣民輸納梅花所倉米山路崎
嶇不便明崇禎十三年知縣夏允彝定議分納近梅花所者
納所倉近縣者納足食倉嗣廢

長樂倉在二十四都梅花城內千戶所之西明正德十四年增
長樂縣志 卷之二 倉 三

築晒場及墻垣嗣廢

國朝足食倉即舊常平倉面北一座四間面南一座七間

常平倉附于大堂 大堂左側一間 大堂後下座七間 大

堂後上座十間 已上一十八
間俱南向

大堂東 東向三間 西向三間 南向六間 北向六間

又南向八間

大堂西 南向二間 東向十間 又南向二間

社倉分貯共二十一處 縣倉一處東隅一處西
隅一處各都十八處

兵衛

演武場在縣南城外一里許明弘治十三年知縣王渙創東西一十二丈南北五十六丈堂一座三閒又建講武坊在路旁隆慶六年知縣蔣以忠重葺移其坊于場前大路之旁扁曰閱武

烟墩凡二十二處俱明洪武二十年設各周圍十丈高一丈五尺

一在十都山亭山

一在十一都湖頭

一在十二都甲峰

一在十二都塔山

一在十四都旒山

一在十四都大嶼

長樂縣志

卷之二

兵衛

三

一在十五都蕉山

一在十五都牛山

一在十七都聖娘山

一在十八都流水

一在十八都壺井山

一在十九都江田

一在十九都石門

一在十九都石濃

一在二十都大社

一在二十都小社

一在方安里澤里

一在大宏里文石

一在二十三都浪頭山

一在二十四都魁洞

一在二十四都碁山

一在二十四都斗湖

營房在二十都松下後三閒兩旁各五閒明崇禎六年知縣鄭

尚友捐俸立

塘 五竹浦塘在西隅四圖

岱邊塘在三都

坑田塘在四都

蕉嶺塘在四都

橫店口在五都

石湖嶺塘在五都

嶺利口在八都

三溪塘在八都

北山塘在九都

港尾塘在十一都

鶴嶺塘在十三都

菴前塘在十三都

山邊塘在十四都

壺井塘在十八都

洽與塘在十八都

東山塘在十八都

長樂縣志

卷之二

兵衛

古

江田塘在十九都

猴洞口在十九都

大社塘在二十都

小社塘在二十都

籌港塘在方安里

澤里塘在方安里

厚福塘在大宏里

文石塘在大宏里

金墩塘在二十三都

石井塘在二十四都

港口汛在閩縣乾隆二十四年將石龍洋嶼二汛移此撥外委

一員設四槳哨船一隻

舖 縣前舖

週橋舖

沙徑舖

巴頭舖

沙嶺舖

梅江舖

寨 把截寨四沿海要地明洪武十一年設一在二十四都黃岐一在大宏里文石一在十八都東山一在十五都仙岐今只仙岐仍舊餘三寨俱廢改設梅花松下壠下三寨

梅花寨在二十四都明設守禦千戶所軍一千名崇禎閒僅存四百名 國朝奉裁易爲寨屬閩安鎮汛地康熙五十六年撥歸本營千把總輪防

松下寨在二十四都原屬海壇鎮汛地康熙五十六年撥歸本營壠下寨在二十四都外委輪防

松下小社蕉山三處明各設巡司各弓兵七十名初以附近

長樂縣志

卷之二

兵衛

五

編氓永充弓兵司一百名免本名丁役之差專聽防備歲久弊生徒冒虛名着役者少至弘治閒知縣王渙奏革舊額弓兵名役每歲悉于該年均徭內編當司各七十名嘉靖閒閩中用兵軍門議行每巡簡司止量撥十二名守寨餘悉追價充餉隆慶閒知縣蔣以忠議增八名共二十名 國朝松下有寨小社蕉山俱設塘汛巡簡弓兵俱裁

砲位共叁拾肆 東門三位 西門二位 南門三位

北門二位 平政門二位 水關門二位 松下寨八位

梅花所八位 仙岐寨四位

馬步戰守兵原六百名康熙三十一年撥二十名歸福州將軍
標康熙三十五年裁步戰兵二十九名雍正十一年抽戰兵
六名守兵九名添防本營左軍乾隆三年抽守兵二名添防
福協屏南乾隆八年抽戰兵一名守兵一名添防詔安營紅
花嶺已上調撥裁減六十八名現在馬戰兵五十六名步戰
兵一百九十七名守兵二百七十九名共馬步戰守兵五百
三十二名馬五十六匹內貼防福清縣城兵四十名

民壯宋以前無可考明初縣制守城設民壯二百六十名選驍
勇四名爲總甲以率之每十年一編給弓矢器用而責以巡

長樂縣志

卷之二

兵衛

六

綽守備時有寇警亦藉其禦捍崇禎閒僅存二百名中分爲
機兵快手領之以四機總二哨官

國初設長福營右軍不用民壯雍正二年復民壯五十名七年
裁二十二名十年裁八名現存二十名屬縣官以衛倉庫

防海

沿邊老岸各撥千把總外委輪防 內洋東南以松下塔爲界
前與福清老鼠磴相接塔南屬福清塔北屬長樂東北以白
頭嶼爲界嶼南屬長樂嶼北屬閩縣嶼內爲內洋嶼外卽外
洋 外洋以磁灣邊之猫嶼爲界南屬海壇鎮標北至東沙

白犬諸磴俱屬閩安協各派哨船巡查

舊志云長樂西北界于閩縣之閩安鎮

頭琅琦五虎門等處各有兵船以護省城門戶其臨海與琅琦對者為文石少司空董應舉前議築城而省會長樂俱增一鐵障但工費浩大姑俟後圖外為梅花所突入海中與連江縣定海所相對此省城右臂也其城甚固但東西隅歲為飛沙所壓漸與城平恐不可守若歲令所軍勤挑亦無患焉自梅花至松下灣中歷後山門口黃崎仙崎漳港壺井洽嶼漳坂小社大社共十一灣皆東沿大海波濤衝激傍岸水淺寇船難近又有烟墩星羅碁布防守頗密獨松下漸南與福清接壤古稱長樂咽喉為南廣北浙客船停泊之區海壇包其東南亦有觀音灣蘇灣可暫憩嘉靖戊午倭陷福清縣城故設遊總于此後以港門星散兵多失機遂移居鎮東而遊為虛設矣崇禎丁丑董司空請城松下欲移海壇遊之居鎮東者出鎮於此以鎮東堂室也松下門戶也海壇藩籬也鎮東既有軍衛兵營又加海壇遊總積之無用而松下不守孰若移鎮東以守松下而長福俱固乎且松人勇悍善水戰素為南賊所憚移後漸汰冗兵補以土著收其豪傑為用編戶

長樂縣志

卷之三

兵衛

七

為兵有糧以養其妻子有賞格以酬其雄心使家自為守人自為援不惟可以消內地之賊且得其力以當外賊之衝西可以障鎮東及福清縣東北亦可障省城閩安鎮之南口防海之策莫善于此此說鄭際明聞之董司空者也錄之使吏邑者考焉邑人程應辰有說互見藝文

鄉都

長邑原分七鄉曰善政曰芳桂曰二難曰昌化曰永泰曰依

福曰崇邱宋慶歷中縣令董淵併為善政芳桂二難昌化四

鄉統賓賢等三十二里元至正閒又改里為隅都按八閩通

志元改為二十四都增置崇德里分崇邱昆繇絃歌為上下

里凡三十六里後復仍舊明因之以四鄉統二隅二十四都

爲圖一百有九 國朝鄉都仍舊增圖八共一百一十七圖
善政鄉凡二隅五都二十九圖今增二圖共三十一圖

東隅舊名德政里宋元祐三年孝子鄒異應經明行修科改
名賓賢里統圖二

一圖鼇頭庄井尾利洋嶺口上湖主山裡左右二圖東門堦
司馬裡太平橋溪上溪下府埕頂府巷上高前城隍溪下
櫓橋沙坊堦石獅頭都憲坊 共一十九處

西隅舊名德政里宋併改爲賓賢里統圖三
明弘治十五年知縣王渙新增圖一統四圖

長樂縣志

卷之二

鄉都

六

一圖鼎新坊對門井生祠村祥厚村縣前西分司十洋街射
圃崎二十四閒厝二畚高隍巷坊口崎上坊口崎下西門
九德橋三圖石椅裡大埕街綠衣巷平政門三胶街鹽倉
舖社學前打銀裡九使樓洪塘渡頭四圖大道頭崎後里
仁厚德長洋石門裡寶溪龜宿 共三十二處
九都舊屬進賢逍遙二里統五圖今仍之在縣東南離城十
里東至十都福湖西至二都龍門南至十一都坊堦北至
縣嶺口

一圖魏厝桃坑下井二圖青橋東倉灣裡三圖岱嶺四圖湖

山朱厝五圖北山荷葉墩共十
一村

十都舊屬清平崇德二里統四圖今仍之在縣東南離城十五里東至十八都壺井西至九都北山南至十一都巔頭北至十三都鶴上

一圖福湖二圖石馬路北三圖玉崗林下墩葉厝四圖湖尾上李共八
村

十一都舊屬廉風建風二里統五圖今六圖在縣東南離城二十里東至十八都壺井西至九都青橋南至十二都田墘北至十都沙京

長樂縣志 卷之三 鄉都

九

一圖港尾二圖洽巔鴈藏井頭三圖巔頭湖南四圖青山下環塘五圖坊兜福州利六圖洋墓共十
一村

十二都舊屬敦素崇賢二里統四圖今統鄉居共五圖在縣東南離城三十里東至七都洋下西至六都上官南至八都三溪北至十一都雁藏

一圖庚石二圖古縣田墘三圖高樓四圖感恩董厝五圖鄉居散處未有村名除鄉居外
共六村

十三都舊屬仁義招賢永勝三里統六圖明嘉靖閒併五圖今因之在縣東北離城十里東至十四都雲路西至縣梅

峰寺南至十都沙京北至方安里岱西

二圖石埕巷口巽后三圖后坂仙樓四圖庵前過橋裡五圖

后富岐頭六圖籠下榕溪

共十
一村

二難鄉舊名安時宋祥符元年里人潘循潘衢兄弟同榜因改

名二難凡七都二十圖今增共二十三圖

二都崇聖里舊名崇邱里諸生林觀光欲避 聖諱乾隆二

年投牒請改今名統四圖在縣西南離城五里東至九都

北山嶺西至閩縣半野南至三都岱邊北至縣南門

左右一圖龍門灣裡二圖陽夏酒店三圖後山猛上四圖吳

長樂縣志

卷之二

鄉都

三

厝魚池開兜窻邊

共十
村

三都舊屬信德里統三圖明隆慶六年間併為二圖今因之

在縣西南離城十里東至董峰西至閩縣長嶼南至坑田

北至二都龍門

一圖岱邊三圖珠湖芳山幽林孝子

共五
村

四都舊屬嵩平里統三圖今因之在縣西南離城二十里東

至六都前唐西至閩縣白田南至五都三山北至三都岱

邊

一圖坑田河口道頭龍首上面街楔縫老子二圖東渡三圖

蕉嶺馬厝頂頭洋中吳庄坡上熾巷下蔡下庄下張

共十八村

五都舊屬泉元里統二圖今增統五圖在縣西南離城三十

五里東至六都井門西南至石湖嶺福清交界北至四都

坑田

一圖三山東林方厝寶橋西陳下廖下鄭墩上杭下附一圖

大坪二畝溪湄橫店馬臺南溪下游龜山上丁下丁東園

西園

共二十村省戶附省未有村名

六都舊屬昆絲里統二圖今因之在縣南離城三十五里東

至八都三溪西至五都羅田南至八都阮山北至十二都

長樂縣志

卷之二

鄉都

三

庚石

左一圖上官上店前唐右一圖竹田杭上二圖井門嶺兜下

庄仙山山兜

共十村

七都舊屬昆絲里統五圖今因之在縣東南離城三十五里

東至十八都漢坂西至六都竹田南至八都三溪北至十

二都古縣

一圖洋下深巷二圖潘定黃道三圖華墩四圖新橋港西

共七

村省戶未

有村名

八都舊屬同榮依福靈石三里統二圖今因之在縣東南離

城三十五里東至七都新橋西至六都竹田南至福清界北至十二都感恩

一圖石門山嶺堯嶺利硤窰二圖三溪礪上新田阮山共八村

昌化鄉凡七都三十一圖今增共三十四圖

十四都舊屬絃歌里統九畝今八圖在縣東北離城二十里東至十五都漳港西至十三都庵前南至十八都壺井北至十六都藍田

一圖雲路三圖旒峰東平白鷺白眉洞湖柴橋華南柯百戶四圖渡橋王宅細店五圖溝東東峰六圖山邊小巔七圖

長樂縣志

卷之二

鄉都

三

平坑八圖洋邊九圖大巔上眷犀庄共二十一村

十五都舊屬絃歌里統四圖今因之在縣東北離城三十里東至十七都黃埕西南至十四都柯百戶南至海北至十四都犀庄

四都犀庄

一二圖漳港三四圖仙岐半嶺上墩共四村

十六都舊屬和風里統三圖今因之在縣東北離城廿五里東北至廿三都判院東南至十七都仙山南至十四都渡橋西至廿一都連庄北至廿一都樓下

一圖西劉夏劉吳巷歐陽結珠新劉梁厝華夏酒店吳壤魁

嶺福厚二圖東劉前劉馮厝官閭吳厝大頭東鄭庵裡前
厦表賢升賢東陽升陽結珠魁嶺三圖藍田傅厝鳳山下
劉都榮池乾官路華恩共三十
五村
十七都舊屬崇仁里統七圖今增統八圖在縣東北離城三
十五里東至海及十五都仙岐西至十六都魁嶺南至十
四都犀庄北至廿三都周山

一圖黃埕鄭船下鄭副一圖沙嶺二圖西卓后張三圖湖東
南厝過洋店四圖蔡宅新池舊池麥厝五圖陳店登賢三
山六圖東卓后團七圖仙山高岐共二
十村

長樂縣志

卷之二

鄉都

三

十八都舊屬海濱崇化二里統二圖今因之在縣東南離城
二十五里東至海西至七都新橋南至十九都流水北至
十四都東平倉

一圖漢坂岐頭二圖東山壺井共四
村

十九都舊屬良田里統二圖今增統五圖在縣東南離城三
十五里東至二十都壠下西至八都石門南至麒麟山與
福清交界北至十八都東山

一圖流水芭頭沙壑漳坂二圖江田蕪裡長林共七村附一
圖附省正省

俱未有
村名

二十都舊屬千齡里統四圖今因之在縣東南離城四十里
東至海南至福清分界西北至十九都江田

一圖松下二圖大社山前嶺頭洋前東臯西臯社頭三圖前
林牛山后山溪柄四圖壠下小社下墘共一十五村

芳桂鄉唐咸通中里人林慎思兄弟五人同登第故名芳桂凡

二里三都二十九崙

廿一都舊屬敦化里統六圖今改從化里增統七圖在縣東
北離城三十里東至二十三都金峰西至方安里岱西南
至十六都華恩北至大宏里塔前

長樂縣志

卷之二

鄉都

三

一圖塔頭連庄垵頭壠墩二圖井兜沙唐坂鍾厝麟墩陳厝
南陳華源洋傍三圖墩頭酒店四圖三星橋東宅西洋墓
前庄上左右五圖黃井前林溝西六圖靈山嶺嶺口七圖
臺瑤林開樓下舊困共二十八村

方安里舊統四圖明嘉靖閒統三圖今因之在縣東北離城
三十五里東至大宏里潭頭西至閩縣界南至廿一都靈
山嶺北至江

一圖楓林岱西外劉二圖二劉曹墩港頭左右四圖澤里文
庄溪上新宅潭頭共十一村

大宏里舊名欽平里里人林慎思復中宏詞科因改名大宏
統八圖今因之在縣東北離城三十五里東至廿三都金
峰西至方安里潭頭南至廿一都鳳井北至江

一圖潭頭籌港塔前二圖文石舊名方石知縣
衛良佐改今名沙堤三圖元

岱大宏左右四圖碧嶺后利高厝五圖厚福六圖嶺南新
街石馬七圖種墩陳墩頭左右八圖游坂七仙橋后園卓

厝楊厝共二十
一村

二十三都舊屬方樂里統七圖今因之在縣東北離城三十
里東至廿四都前董西至廿一都三星橋南至十七都厚

長樂縣志

卷之二

鄉都

三五

團北至海

一圖大洋塘下坐壠江塘上下二圖后山嶺頭三圖下塘巷

口黃庄四圖花林前陳程厝與兜五圖金峰鄭店塘下起

樓裡馮厝何厝姚坑墩上橋頭六圖大亨前後葉董厝七

圖周山書堂上張井兜上安下溝判院萬梁廳頭半山共
三

十五
村

二十四都舊屬新開里統六圖嘉靖四十一年併五圖今并

四圖在縣東北離城三十五里東北俱至海西至廿三都

花林南至十七都新池

一圖溝邊下山邊西宅湖頭二圖前董后董下頭庄東庄三
圖碁山赤岐石井墩尾四圖仙富梅花磨下共一十
五村
第宅

陳

嚴處士光宅在十三都大建初捨爲寺卽光嚴寺

唐

林水部慎思宅在方安里籌峰下

明王恭
詩別見

林孝子巨卿宅在梅花坊

宋

長樂縣志

卷之二

第宅

美

鄒孝子異宅在縣治賓賢里

陳司課剛翁宅在縣東翰林坊

陳先賢烈宅在二都陽夏後徙省中郎官巷

高樞密應松第在十一都巽頭

陳天官以第在十一都巽頭

鄭朝散邦直宅在十都沙京

鄭丞相性之宅在福湖後遷省城宮巷理宗御書拱極樓三

字

陳國伯萬春第在十一都福湖子侍郎垓書聖經于門

鄭先賢申之宅在福湖

鄭郎中洙宅在十三都河峰下

高孝廉宗信宅在後灣

黃御史瑀宅在青山下

劉先儒砥礪故居在方安里即龍峰巖下

吳知縣節居在岱邊山地名吳宰嶺

明卓爾詩別見

陳朝散容宅在縣西隅

明

鄭岳伯錫文第在縣前

長樂縣志

卷之二

第宅

七

陳觀察復升第在縣治學宮東

陳侍郎省第在縣治東街

謝都御史士元宅在十九都江田

林尙書廷選宅在六都竹田

鄭叅議序宅在福湖

鄭給事枚宅在湖濱

鄭寺丞憲宅在仙岐

鄭吏部功甫宅在陽夏

王典籍恭宅在沙堤

陳贊善仲完宅在十九都大溪山有聚星堂

李修撰騏宅在沙京

馬修撰鐸宅在嶺前

林副使山宅在十二都古縣

鄭侍郎世威宅在陽夏

馬尙書思理宅在羅城

劉刑部沂春宅在潭頭

國朝

高叅政龍光宅在十九都流水

長樂縣志

卷之二

第宅

天

陳侍御書宅在十五都漳港

鄭行人純禮宅在縣東府巷口

街巷

市附

西街在縣西隅直抵吳航渡頭

十洋新街在縣前直下百步許街如十字因名明隆慶六年知

縣蔣以忠砌築東抵興賢坊西通射圃南經所憇亭出南門

達永寧橋

知縣夏允彝有記

西門新街在吳航頭西乾隆二十七年知縣賀世駿新闢

有記

北街在縣後東抵城隍街西抵北門南由上巷通大街明隆慶

六年知縣蔣以忠砌築

城隍街在縣東由下櫓橋東邊直上至阜民橋隆慶六年知縣蔣以忠砌築嗣圯 國朝乾隆二十四年知縣賀世駿砌築下櫓橋舊西邊亦有路至阜民橋合今橋西路為店塞斷

興賢街在縣東由興賢坊而下橫過儒學前接南街濶八尺

嶺口街在縣東由文化坊抵善壇亭通南北各都

河南街在縣西由仁澤坊路通平政門抵永寧橋

洋門街在二都通洋門渡

岱邊街在三都通陳坑渡

長樂縣志

卷之二街

三

坑田街在四都通坑田渡

沙京街在十都

巽頭街在十一都

旒峰街在十四都乾隆二十一年始闢

漳港街在十五都

僊山街在十七都

嶺前街在大宏里乾隆十一年始闢

潭頭街在方安里

金峰街在二十三都康熙初闢

巷

後坂巷在東隅上街直至後坂坑水關濶四尺

大園巷在東隅上街直至城墻上通山水濶五尺

新巷在興賢街直下旁有方井濶六尺

東賢巷在新巷左畔修曲不能旋馬濶四尺近里民建觀音樓

府巷在東隅上街直至城墻濶五尺

府埕巷在東隅下街卽舊儒英門地南抵田濶四尺

太平橋東邊上巷北抵水關濶八尺西有路循溪而上入民居

太平橋東邊下巷南抵城墻濶八尺西有路循溪坂至城而合

長樂縣志

卷之二 巷

三

金厝巷在東隅上街直抵芝山濶四尺

湖井巷在東隅下街直抵田中有井

五通巷在西分司旁通社稷壇濶四尺嘉靖閒知縣俞介開復

楊井巷在縣治西下通射圃南街濶八尺中有醴泉井

陳仔巷在西隅上街通社稷壇濶六尺嘉靖閒知縣俞介開復

上巷在西隅直抵拱極門官路濶一丈近里民建有鼎新牌樓

衙裏巷在西隅下街濶六尺中有大井

高隍巷在西隅下街通三聖殿吳航書院山川壇等處濶八尺

坑尾巷在西隅上街通金斗坑水濶四尺近建牌樓名金溪里

下巷在西隅坑尾巷右畔濶五尺

綠衣巷在縣治西街濶六尺居民侵去其半今復之

尚文巷在三都

中峰巷在三都

左峰巷在三都

右峰巷在三都

下宅巷在三都 又有下卓巷

東格巷在十都達上街

三官巷在十一都嶼頭同時為官者三故名

長樂縣志 卷之二 市

市 坊口市在縣西河南巷口鬻販所聚

梅花城市在二十四都魚鹽聚處

文石澗市在澗中魚鹽聚處

陳塘港市在二十三都塘下間上竹木等貨聚此通運

坊表

十洋通衢坊在十洋街中舊為十洋門久廢明隆慶知縣蔣以

忠因築十洋新街遂建此坊坊有四面其中總題曰十洋通

衢北曰聯科狀元為馬鐸李騏立南曰累世名卿東曰兄弟

文宗為陳瑞陳省立西曰父子解元為林賜林僑立基存

狀元坊在縣治東爲永樂壬辰科馬鐸立

狀元坊在縣治西爲永樂戊戌科李騏立

榜眼坊在縣治前爲永樂丙戌科陳全立北曰聯科狀元明崇

禎開邑紳馬思理爲馬鐸李騏題 國朝康熙四十八年知

縣張琮重修乾隆二十六年知縣賀世駿重修

賢路坊在儒學門東舊名泮宮明嘉靖二十四年教諭劉洙潤

改今名基存

進士坊在縣治十洋街爲正統乙丑科李叔玉立基存

都憲坊在縣治東明嘉靖四年爲副都御史謝士元立

長樂縣志

卷之二 坊表

三

繡衣坊在縣治東明正德三年爲御史陳言立基存

興賢坊在縣治東明正德七年知縣楊樑立基存

忠諫坊在縣治東明嘉靖十五年爲太常寺評事林公黼立基

存

節孝坊在縣治東康熙五十五年爲鄭叙都妻林氏立

正學坊在縣治東察院前明正德十五年知縣曹鎡建原名激

揚坊萬歷二十六年知縣盧龍雲重修改名正學今圯

尚書坊在縣治西明嘉靖十六年爲工部尚書林廷選立基存

仁澤坊在縣治西明正德七年知縣楊樑重建今圯

九德坊在縣治西明正德十五年爲丁丑科進士陳良珍鄭憲
陳文沛鄭源渙陳毓賢莊維春陳嘉謀林公黼戴玉成立今
圯

登瀛坊在縣治西吳航頭明知縣潘府建列明科甲未幾傾圯
弘治壬戌知縣王渙增築官路重建嘉靖壬寅知縣何應和
重修戊午燬于倭寇隆慶三年知縣蔣以忠重建今圯

崇正坊在東門外朱文公祠前明知縣楊樑立今圯

文化坊在東門外嶺口明正德七年爲林坦林培林塘林章立
今圯

長樂縣志

卷之二

坊表

三

節孝坊在南門外一爲鄭敬正妻柯氏立一爲王思美妻謝氏
立一爲李守書妻陳氏立一爲鄭良進妻駱氏立

貞烈坊在南門外一爲李克通妻黃氏立一爲王平妻鄭氏立
一爲鄭勤澄妻阮氏立一爲鄭行芝妻盧氏立

世科坊在二都爲高沂高森父子立併書高濬高淮高紹保高
伯齡高德政高壘高仕張高廷忠于上

憲臺坊在二都爲御史吳寶立

品節文藝坊在三都爲鄭恭介世威立聯曰學術純正志行端
方

貞節坊在四都爲高伯明妻陳氏立

柱史坊在六都爲御史陳言立

繡衣坊在六都爲御史林廷選立

尙書里坊在六都爲尙書林廷選立

節孝坊在八都爲陳思驥妻周氏立

進士坊在九都爲成化丙戌科陳潭立

節孝坊在九都乾隆五年爲陳國祐妻李氏立

節孝坊在九都乾隆八年爲鄭純鑰妻陳氏立

欽賜葬祭坊在九都爲臺變殉難長福營守備游崇功立

長樂縣志

卷之二

坊表

三

進士坊在十都爲正統壬戌科鄭序立

節孝坊在十一都乾隆元年爲蔣文欽妻林氏立

雙桂坊在十二都爲正德己卯舉人陳大用大濩立基存

世沐恩光坊在十二都爲陳嘉謀立

進士坊在十二都爲成化甲辰科石璧立

貞節坊在十二都爲林以德妻王氏立

尙書坊在十二都明萬歷閒爲誥封陳瑞之祖塗立乾隆辛未

年颶風折下牌樓

繡衣坊在十三都爲御史陳文試立

四朝寵命坊在十三都鶴嶺東明萬歷閒爲誥贈陳復升之父
中憲大夫有斐立

貞烈坊在十三都乾隆十五年爲陳蘭上妻林氏立

貞烈坊在十三都鶴嶺乾隆二十五年爲陳于東妻鄭氏立

知州坊在十四都爲知州江墉立

節孝坊在十四都乾隆四年爲林長佩妻翁氏立

擢桂坊在十四都爲建文壬午舉人王借立

瓊林坊在十四都嘉靖十年爲進士林恕立

雙節坊在十六都乾隆十五年爲生員陳天保妻卓氏弟天球

長樂縣志

卷之二

坊表

三五

妻鄭氏立

節孝坊在十七都乾隆十二年爲施有樑妻鄭氏立

翰林坊在十九都爲陳仲完陳全陳登立

憲臺坊在十九都爲御史陳崇德立

繡衣坊在十九都爲御史陳景隆立

貞節坊在十九都爲謝磔妻陳氏立

節孝坊在十九都雍正十三年爲陳潛妻方氏立

進士坊在二十都爲知府林繼衡立

牧民坊在二十一都爲進士林承訓立

雙節坊在二十一都爲謝宸誥妻潘氏男文恭妻林氏立
狀元坊在大宏里爲永樂壬辰科馬鐸立

節孝坊在大宏里雍正十二年爲高必璋妻陳氏立
進士坊在大宏里爲叅議王有恬立

節孝坊在方安里乾隆十四年爲劉則立妻高氏立

先賢坊在方安里爲理學劉嘉譽劉世南劉砥劉礪劉子玠立
壽母坊在二十三都乾隆三年爲陳宏晃妻鄭氏百有七歲立
雙節坊在二十三都乾隆十一年爲監生周格可妻游氏妾陳氏立

長樂縣志

卷之二 坊表

三

節孝坊在二十三都后山乾隆十八年爲陳朝建妻姚氏立
鎮夷坊在梅花所

人瑞坊在梅花乾隆四年爲里人王復聚百有五歲立

古蹟

祝聖道場在縣東觀音寺明正德十五年改寺爲察院衙門移
道場于縣治南山三清殿萬歷閒知縣鍾萬祿重修

陳省別有記

國朝移在學宮

文昌閣舊址在邑東梅峰寺西明萬歷丁巳年建

邑人蔣行義有記碑存

無底之谷在縣治東北關上

吳航頭在縣治馬江舊恩波亭前後作迎恩亭昔吳王夫差造船于此故名

嶺口鹽場舊在縣治西隅臨水渡側宋熙寧中運使賈青移置于東隅嶺口歲納鹽二百四十二萬斤寶祐中草廢元至正九年于倉舊基建三皇五皇廟明洪武二十九年廟廢

二龍潭在縣治東十里宋大中閒夏暑俄發迅雷烈風有黑白二龍濱江飛起白者處山之陽因名水曰白龍潭黑者居山之陰因名水曰祥雲潭後于潭側古木穴中得卵殼大如斗

青黃五色

互見山川志

長樂縣志

卷之二

古蹟

三

耽犁耕隱在縣治北石門西明鄭文霖號耽犁子創

修撰金川練子寧有

賦後廢

初有庵在小有洞天之下乾隆庚午年重建

嶺柄港在二都宋林安上建議鑿山開港引馬江水以灌田利

舟楫山岡石堅不可鑿明正德丁丑鄉民呈繼前功後竟罷

役見鄭志

竹田在六都星溪明林尚書廷選讀書處

林俊記君子合冷要而無忘林壑之思張

若儻來歛焉其如故故常有餘外物至無足以扞芥其中族丈御史大夫竹田公其固寄之意也公始甫之九牧林氏福唐之長樂居馬星溪竹田其地也竹公所自况宦寓四方其無忘竹田也書語俊曰君子無玩物之累亦不能無故土之

思好而不溺好之道也忘已於物忘物以居於道竹惡乎溺哉夫蓮色香而不久清不可誣也夫梅在獨以自芳韻不可廢也夫菊傲霜以晚妍香不可泯也松之貞過于礫柯檜之古過于屈蟠桐娜婀以多脆桂離披而傷密若殷紅豔紫嫵媚之華又烏乎錄之竹虚心勁節遠韻而孤標不剛不柔疎不嫉俗亭直而不倚歷霜雪而不以少變君子比德焉吾奉身周旋遊走中外者歷三餘紀受三朝眷知開府兩藩叨生殺征伐之寄以臨制百蠻稍當東南一面迨棟橈以副羣望藉手見鄉三數大夫與我見素亦幸矣然而兕彷彿制秋高水涸之期長風送腥刁斗夜急孰與科頭箕踞清颺徐來玉聲琮琤然之快吾耳也蒼雪夏寒黑炎奪燄烟霏浮碧賓朋退而禽鳥來棲移合散孰與狼烟堃幣俘馘軍門戰卒褻瘡之厭吾目也材而弓矢貫七札而走萬夫孰若汗而簡編對聖賢了餘日之適也啓緘疾讀讀且喜喜而又懼曰斯所謂公也功成身退天之道寵利而居有明監焉公之歸意竹田先得之矣夫竹歷歲三而材成則收功以待夫來者之長公既有年矣引身賢路之避與竹而終始焉記曰禮人之田也然則竹公之田歟仁植義別博漑而廉收昔則君之今則田

長樂縣志

卷之二 古蹟

三

之竹之遭有是抑大始是田也而駿發于公公終惠之近時伐叛之師幾遍區內廣素巖沾沾然無驚賈餘勇以迅掃江之西閩之南如遺垢然運用無迹而元陽開舒羣陰退聽廣命脉公也申甫嶽降竹田殆自公爲烈矣象成簫韶之奏朝堂虛位望公者久公無困哉徐爲竹田主人宜未晚也

海雲窟在七都元至順中建始名普明堂至正閒山東石道達

僑寓于此易今名 詩別見

仙人厝在十都萬歲石下有石室李頭陀葬母處

竹林精舍在青山下宋黃寺丞幹講學處幹居母喪學者多從

學于廬墓朱子書竹林精舍遺幹有他時便可請直卿代卽

講席之語

古新寧縣在十二都宋紹興初里人陳子周卽舊基建元明祠
蘓老澗濯纓石在十二都宋慶歷中觀察使蘇才翁憇于法澗

寺勒六字于石壁 陳省詩別見

阜陽別墅在十九都陳伯時創伯時于元至正末再舉明經不

起構此隱居 明高棟賦別見

皆山樵隱在大宏里明邑人王恭創 王恭高棟歌俱別見

江山第一碑在二都陽夏 宋里人陳烈書詩第一江山亦壯哉仙居何必問蓬萊墩迎半占飛來鳳

樹遶瀛州翠似苔

魁龍碑在十三都鶴嶺宋提刑張翀書

長樂縣志 卷之二 古蹟 三

魁嶺碑在十六都

文昌碑在十七都

元台碑在二十三都明教堂內 宋里人陳文龍記新寧縣治之中有堂曰明教堂乃宋皇祐二

年里人方子安之所創也紹興三年參議姚能舉拓而張之堂宇輝煌師儒雲集窮養達施或以文章掇巍科或以道學冠名流或養素邱園以自遂其高總之各行其志總之托迹於斯堂也慶元三年林尚書宋更而置之鶴岳之東枕玉狗之峩巍面飛來之恠石東西南北峰巒疊疊龜蛇捍衛水口牢密斯堂之光景較之前年之舊址地位更高明矣堂甫成而尚書之子得中姪亞文姚狀元之裔曰同曰逢午陳邁卿之裔曰覺伯五士同袍肄業其中巨卿名儒雲合響應相與磋琢會文切理日就月將出際明時咸登科第斯堂益增而光而聖賢相傳之旨愚夫愚婦與知與能之道不至於闇昧無傳矣龍生也晚仰慕前哲不覺勃勃思奮攜朋姚勉淬勵斯堂寶祐元年勉兄廷對第一着先鞭矣龍也看上苑而意

氣倍爲鼓舞不意咸淳四年謬遇主知里中父老揖龍而言
曰志載后山之中巨石上又有一石屹立疊于其上故老相
傳以爲此石飛來者故以爲名而斯堂已面臨之四方文士
誦讀于其際者咸躋貴顯緬想斯石無翼而飛不招自來其
天符與地瑞與其三元發跡之階合歟僉議立元台之碑於
是石之傍令後來雲初有所觀感而興起龍承父老命書而
鐫之以
垂不朽

興龍碑在二十三都周山宋丞相文天祥書興龍二字

白雲堂在縣治西北

明管師復詩別見

三桂堂在縣治翰林坊宋寶祐中陳剛翁與弟合誼相繼登第

理宗扁其堂曰三桂門曰儒英

勝會堂在縣治登高山

徐壽朋詩別見林通詩登高高處喜堂成人在金鼇絕頂行天地不能藏景象

長樂縣志

卷之二

古蹟

早

山川都會炤簷楹夜涼松韻坐中聽晚霽人煙掌上橫我愛
賢明心象巧滿城佳致一番營林遠詩瀟灑堂開在畫屏宴
遊長是撥雲行一天景物清環座四野濃嵐翠入楹北里月
明羌笛咽西風潮落野舟橫斯民登賞思公德何異甘棠召
營伯

秀野堂在縣十洋街明知府李叔玉創知縣潘府命名

別有詩

適安堂在二都龍門明高棟創鄭定林鴻輩會集斯堂

陳亮詩即地可

棲遯何必遠結廬作堂依故宅聊以適起居青青映戶庭嘉
木羅且敷圖史積左右日與文士俱有時風日佳行吟步前
除蕭散咏樂情暢然形神舒用世豈無心出門畏崎嶇優游
保貞素庶得遺毀譽又賦適安堂題于方壺所寄畫詩小隱
翻成大隱媒終南捷徑共蓬萊君家草堂獨瀟灑半占峰南
松際開草堂松際秋聲裏四壁清暉映烏几卷幔朝眠日出
高野鶴孤雲祇如此孤雲野鶴澹忘形贏得邱園養性靈飛
騰未應郎官宿嘉遯猶當處士星吟詩作畫多閒放心跡悠

悠古人上玩宇天空豁遠懷嘯臺夜雪聞清響王門記室舊
交情國子先生若弟兄清時共逐鷓鴣去白頭誰同鷗鷺盟
顧余別是滄洲客蓬蓽相逢即相得對酒龍門月色秋放歌
雞與潮頭白壺邱仙墨思紛紛千里神交寄樹雲坐卧草堂
時見畫知君不羨北山文林鴻過高逸人別墅詩識子何不
早見子即傾倒世人意氣不相合顏色雖同心草草子有園
林東海濱香名滿耳人共聞梁鴻避世心不仕孔融愛客家
常貧茲晨飲客青山墅新壓葡萄酒如乳綠樹穿窗鳥當歌
紅條拂地花能舞醉來興逸無不為投壺擊劍
仍彈棋人生得意有如此世上休休那得知

心遠堂在二都龍門明造士高沂先世有燕居堂曰心遠沂葺

而新之高棟詩別見

嘉會堂在十三都明教諭陳德隆創鐫銘于屏以訓子孫銘曰吾陳

世居玉溪之傍前哲燕翼肯構肯堂厥名嘉會義重典常歲
時宴饗儀節孔彰戚疎俱來大小咸聚懽然有恩秩然有序

長樂縣志

卷之二

古蹟

聖

獻酬交錯禮儀卒度親朋萃止亦復如是族尊閭閻時出戒
言農耕士讀各有攸存克勤克儉毋惰毋昏祖憲是式祖訓
是遵天衷民彝截然一定父慈子孝兄愛弟敬夫和妻柔姑
順婦聽克循斯禮茲會乃嘉少有悖戾其如禮何顧我翼翼
佩服戒訓諄諄
茲銘用告來胤

見山堂在十九都明陳天驥創

中書舍人陳登篆扁里人陳毓賢詩別見

聚星堂在十九都明編修陳仲完創時一門三舉子一族三翰

林取五星聚奎之意因名

貞壽堂在十九都明侍講陳全創

太學士胡廣別有記楊士奇詩北堂融融春晝長錦樹錯

落含春香堂中老母今八十鶴髮如絲身樂康母昔初嫁時
玉環自矜惜慙慙奉君子顧盼憐貞白一從守空幃皎皎冰
雪色幸有三男兒力學慕古人季兒生來不識父只今六十
霜鬢新明經射策選上第金馬玉堂高致身大箱俸錢奉慈

母願母千年百年壽朝朝南極老人星正灼華筵酌春酒五
福重好德德厚福亦同信哉貞壽堂鄉里高其風人生忠節
乃大義炯炯白日光動地方今
聖朝務表勵作詩欲告觀風吏

愛日堂在十九都陳全創以奉親故名

明少師楊榮少詹事曾
榮大學士金幼孜賦侍

講學士沈度侍讀學士李時
勉給事中陳敬宗詩俱別見

滄洲草堂在方安里籌巖陳亮創

趙有正
賦別見

中有儲玉樓滄洲十

勝亮與高棟王恭文酒過從為九老社

王恭有滄洲十咏詩
綠湖雲歸蘋葉齊雨

積波聲小日夕水容清飛來雙白鳥蓮塘荷靜香露圓波深
藕根白白替誰家兒折花水邊劇漁艇白鷗將野櫂蕩漾波
光冷木落秋氣多孤篷逗霜影古柳堤寒潮落沙堰高柳入
荒烟莫把長條折秋來欲繫船白沙岡連峰沙似雪迢遞帶
滄波好是殘陽外人稀野鳥多釣磯片石翳雲根隱映波光
曉君看直釣翁機盡忘魚鳥桃花溪幽蹊入林深仙花滿高

長樂縣志

卷之二

古蹟

里

樹笑謝滄洲人來去桃源路竹裡軒露葉凝曉烟霜枝老苔
石夜半獨行時清涼蒲巾島瓜圃烟蔓日已長露花日已滋
為問東陵子何似青門時秋香亭池靜秋氣寒黃花日朝露
卷幔待情人幽香滿林路又書高漫士繪滄洲別墅詩金堤
沙北鏡湖東前窺籌嶺後爐峰滄洲老人年七十朝朝宴坐
於其中葛巾竹杖何蕭散卧愛清暉不知晚魏闕青雲夢裡
過謝池碧草吟中滿五岳仙遊去路深擊鮮子舍費千金如
何白髮滄洲上野鶴閒雲一片心龍涎酒殘鷓鴣勺遠勝仙
家大玄酪送客天明水鳥啼彈絃夜半簷花落龍門高士掃
新圖揮霍霜毫倒墨壺京國浮邱亦知已題詩早晚寄東湖
南山書院在縣治南山塔旁明弘治閒知縣潘府改南山廢寺

為書院暇日輒至其所與諸生講學又立主敬集義二齋于

院之左右撰盛世歌刻于碑

有南山書院序並歌皇帝元年
用大臣議天下郡縣毀私創寺

觀及禁濫充僧道徒長樂縣知縣潘府聞詔歡欣鼓舞乃再
拜稽首言曰闕異端崇正學吾志也况承明詔曠古奇逢于

今盛典臣子當力行之遂召諸僧道宜諭朝廷威德驅其徒二十餘人悉歸之農明日具米醪躬率僚屬耆老勸農東郊過三峰塔門亟毀撤之用置勸農亭府日登亭觀稼農悅益勤厥務是年大有乃復毀其殿左右廊增置預備倉分周貧濟之二厥積穀以萬計府欣然曰民食稍贏矣遂毀南山寺堂因其形勝更相度之改立南山書院用以養蒙士府自愧無狀不能為諸子弟表率乃立鄉賢祠于院北以風勵之又恐教不達于下循行四鄉盡去諸菴舍改立鄉約堂凡鄉大夫及民高年有德者深衣大帶月朔宴會于斯遵行朱子增損呂氏鄉約禮務合時宜每孟月約正輩持善惡簿詣書院考較之俾民知所勸懲府雖不敢自謂寓政教兼隆之義亦庶乎崇正闢邪之意雖然向非明詔頒示府等雖有心空言何補今日之舉皆朝廷之力也盛世一歌容可已乎幸觀風者采而獻之明天子歌曰斯道在天地萬古如一日世運或盛衰聖賢靡常出否泰恒相尋道乃有通塞邪說肆淫哇仁義以晦蝕孔孟百世讐蠹茲老與釋退之崛然起鞭鋤頗用力正脉尚幸存千百僅十一天生明聖主斯道賴主張孔孟讐我復晨起奮乾剛佛子還西狄法王竄遐荒寺觀孰私創

長樂縣志

卷之二

古蹟

三

亟撤其宮墻老釋孰為徒亟復爾冠裳大臣協謀議宣布及四方小臣不自量誓欲扶綱常奉命巡都鄙正氣凜秋霜厥邪一歸正正學日以昌明聖自天畀斯道為生光歌
頌乃臣職勒彼南山石南山峻極天天子億萬年
祠廢里
人改建三聖廟

鳳岐書院在十五都明知縣潘府將顯應宮後座改創

藍田書院在十六都宋紹興中里人陳坦然建元至正中陳有

霖構鄉約堂于其旁偕名儒歐陽旸往來論道寓憇明初重

修

陳坦然
記別見

達泉書院在二十一都舊名尚書庵宋紹興閒鄭丙讀書于此

後官尚書故名尚書庵庵西石壁有竅泉從石罅流出清冽

徹底大旱不涸宋陳坦然鐫達泉井三大字仍列名士姓名

茂承齋明邑人鄭子尚創高棟詩別見

嚮石齋在九都明王恩及讀書所有石扣之聲清以長故名石

與基俱存

六平書室在縣治東明進士曹賢創陳仲完記別見嗣廢

山陰書室在縣治西仁澤坊助教陳京創高棟賦別見嗣廢

湖山書室在九都知縣陳李創陳仲完記別見

登龍書室在十都明鄭宗魯陳顯宗等創

紫微書室在十三都明行人陳聰創中洲林鴻賦別見嗣圮

長樂縣志 卷之二 古蹟 畧

錦鯉書室在方安里金鷄山明里人姜植構兩座前平石如錦

後大石如鯉故名上接新巖左接龍峰巖臨海奇觀詳巖彙

壠洞書室在方安里金峰里人劉沂春建

臨江館在西門外江岑頂花嶺臺下原天主堂因奉禁改今名

碧蕉書館在縣治東明鄭定讀書處見鄭志

同仁館在五都明弘治五年知縣潘府建

薜蘿山房在五都明進士王錫創林鴻詩別見

習靜山房在五都明進士陳良創高棟王恭詩俱別見

石田山房在十九都明陳仲進創子登讀書其中明曾榮記距長樂邑治之

南一舍許有勝地焉龍龕天池環拱于其前瀝湖巨浸混瀆于其後右則岱溪漫流石門幽邃望之無際左則御國諸山若起若伏連延不窮其地夷曠其氣清淑其田境塉而多石世家陳氏居之仲進甫嘗築室爲藏修之所而題其扁曰石田山房耕耨之暇讀書其中泉可以溉石可以憇秫可以釀蔬可以茹佳花美木可以供宴游壺觴俎豆可以娛賓客而山房之勝于是備矣旣而出應徵辟歷佐宜陽韓城以治最陞江山令卒于官嗣子登葺弊完撓又數年來有司薦其才貳政三邑以工篆書選入翰林嘗請于余曰先人始創山房有年于茲而無文以記之將何以承先世敢以相屬余旣諾之而未暇今年春偕扈從至北京復以爲請予爲言曰東南山水之奧區高原沃野之清曠華堂豐屋之鉅麗所在皆是也然求其人與其居相宜者蓋亦鮮焉幸而一遇其人則山若增高水若加深因以重當時而名後世然而又求其有賢子孫以世守之而勿失者蓋尤鮮焉此平原草木所以取議于後世也今陳氏石田之瘠無膏腴之利山房之樸無節藻之華父子之間善繼善述遺愛在乎斯民聲譽流于當代而山房之勝終以聞于天下豈不盛哉嗟夫古今父子之美名

長樂縣志

卷之二

古蹟

望

望若奮建文學若向歆行詛若凝之道原雖皆一代偉人而寥寥數千載甚不多見也何陳氏獨能追蹤昔人也歟雖然太邱稱漢長者而其子號爲二難堯咨兄弟皆貴顯而父篤于義方家法相承有自來矣抑聞石田子弟彬彬輩出皆能濯磨砥礪思以弗墜先德余知山房之灑掃有繼矣豈特再世之美而已哉登字思孝謹淳和易而文學政事酷肖其父云高棟詩江上石田湖上山山閒茆屋白雲閒山人耕雲廡白石四體不閒心自閒閒來著書經幾載種竹栽松俱已大每到霜清驗歲豐只從草綠知春在寂歷柴門人不逢桑榆成巷深復重簷迎海水沙頭月窗掩靈峰樹外鐘山人于此自云樂足跡都忘向城郭天上青雲隔玉堂人閒白屋藏丹壑一捧天書起故林洛陽迢遞吳山深公田秋熟彭澤酒官舍春鳴單父琴十年雙鳥紅塵裏夢想家林長已矣至今行客說江山猶使居人愛桃李懷道寧無在屈伸遺安亦以貽後人諸郎承家習先隱不道田廬舊業貧元方與我更同調手把父書向予笑笑予未解忘世氛耦耕今日可同羣朝廷已足夔龍士畎畝何妨沮溺倫王恭詩阿誰書室山陰墅舊是郎官棲隱處山頭先雪剪茅茨石上開雲種禾黍禾黍秋

香酒滿杯綠蘿花發映莓苔龍龕寺裏鐘初斷金漆湖邊月
又來柴門盡日人稀過山葉無風自飛墮塔下紅泉鳥飲殘
谷口青泥鹿行破憶昨郎官未仕時石田茅舍此棲遲青山
醉逐漁樵伴白眼羞逢杜苑兒金陵大道青天上別後邱園
也惆悵四壁寒蛩夜夜聲一簾草蔓青青長往事浮雲若眇
然風流佳致沒仍傳舊篋愁看書尚在開門時見楊猶懸看
君亦是青雲器野性還應愛山水高卧山中絕世塵蕭蕭
蕭風木更悲聲男兒達節有如此未必尋常缺故人

哦松軒在縣治內明永樂中縣丞張文可創

梅軒在縣治內明弘治三年知縣潘府創詩別見

仰軒在縣堂東宋元祐二年縣令袁正規建

惜陰軒在縣堂西宋皇祐中縣令吳仲舉建

盡心軒在縣堂西宋元祐二年縣令袁正規建

長樂縣志 卷之二 古蹟

吳

望雲軒在縣堂北宋元豐中權縣令施聞建以寓其思親之意

攬翠軒在縣治內宋元祐二年主簿陳伯孫縣尉陳師韓建

芳蘭軒在縣治甘泉寺法堂後宋皇祐中縣令吳仲舉建

鹿畹軒在縣治東六平山之麓係鄭氏別業明邑人鄭世威題其額曰屏南芸畹國朝郡人

許友聯云樊圃有荔香靜簡床頭書古結廬當谷口閒看木末雲歸年久漸圯監生鄭秉藩葺而新之

江天樓在縣治西臨江亭之東宋知興化軍所翁陳容建樓跨

江渚嘯咏其閒因名容自為記

仙人樓在縣治西南山境之右嗣圯

江山第一樓在二都翁山最高處季騏詩飛構巍然勢欲騰無邊光景與時增簾前綠水歸

帆遠窗外青山對
几凭萬壑松聲來
戶牖半天月色映
銀燈書閒偶躡空
梯迥獨快先登第
第一層

紫陽樓在二都後灣元應宮東宋里人高讚建朱文公嘗寓此

因名

知縣王遵道詩別見邑人吳巖詩仙家迥隔故人家高敞樓居映紫霞講道當時光宇宙橫經今日惜年華山

脚晴旭聞啼鳥門掩春風見落花飲酒聯詩多美士憑闌目

送幾昏鴉鄭序詩龍門高處有仙家樓觀深沉映彩霞千載

紫陽名勝境一時清興覽韶華江村綠暗雲邊樹山澗紅流

兩後花無限風光看不盡倚闌吟數暮天鴉戴仁溥詩西上

龍門王相家紫陽樓閣隱丹霞仙都日月閒今古福地陰陽

老歲華玄鶴飛來雲外兩碧桃開遍洞中花倚闌幾度舒吟

眺目極江天起暮鴉

阜南樓在二都龍門高淮所建

李叔玉詩別見

玩宇樓在二都後灣之西明高棟創太史周佐寓棟宅別去將

長樂縣志

卷之二

古蹟

七

所攜書籍數千卷悉授棟乃建樓藏之只開一牕以見天日

故名

聚遠樓在十都福湖梯雲山地名湖坡宋邑人鄭申之所建朱

文公題其扁曰聚遠後祀朱子以申之性之配嗣樓圯匾存

申之裔孫永昭居石梁仍于所居建樓而揭舊匾邑人陳惟裕賦別見

望雲樓在十一都吏部郎中黃熙創以思親故名

夢星樓在十九都明都憲謝士元累歲讀書其中母陳氏夢星

起樓上士元是年登第石刻有詩

儲玉樓在方安里明陳亮藏書之所互見滄洲草堂

水竹居在塘下中洲明林洪隱處

王恭賦別見

竹所居在二都龍門秦仲創

陳仲完記別見玉山任彥傑詩別見

琴樂所邑人林良箴之別號故名

高棟詩別見

瓢所邑人林敏之別號故名

王恭賦別見

鄉約所在十一都明萬歷四十三年里人郎中蔣行義清侵地

捐已地并易鄭則魯地構三間深六丈濶六丈六尺西邊榭

屋一丈五尺

鄉約亭明弘治初知縣潘府創立各隅都遵朱文公增損藍田

呂氏鄉約

潘府訓民辭予有民訓予民咸聽祇命來牧惟懼弗稱予臨士庶因敢弗敬予德有愆爾亟予正民

長樂縣志

卷之二

古蹟

哭

罹于災予使之病民罹于法予為之寘一民無告予有關政予忝厥職予弗盡性爾性皆善咸宜敦行爾有父母爾溫爾清爾有兄弟爾順爾諍爾有鄰族爾賻爾贈勿作盜賊勿作彊橫勿與訟許勿與鬪競勿學游賭勿學詐佞勿事寂滅勿事清淨勿恃眾富勿恃貴盛勿為色荒勿為酒醬勿尚方言正讀正誦勿尚奩飾時嫁時聘髻勿盈尺裙勿露脛葬勿踰年婚勿同姓勿謂過小薄俗類應勿謂刑寬明律素定爾其聽諸咸用予命用命則吉惟邑之慶爾不用命更求賢令

旌善亭在縣門東明洪武三年創嗣廢

申明亭在縣門西明洪武三年創崇禎閒知縣夏允彝重修嗣

廢

九日亭在縣治勝會堂之上宋元祐三年縣令袁正規建落成

會九日故名

知縣袁正規邑人張子厚林通詩俱別見

天地四方宇亭在縣治東北六平山下宋淳祐中里人陳合建亭上有巨石巖立中有小石洞門可通往來壁上勒第一小有之天宇蹟頗奇嗣亭廢

乾坤一草亭在縣治東六平山麓宋寶慶四年里人太博陳俞號草亭故名後人名其山曰太博山嗣亭廢

所憇亭在縣治陽春門內明隆慶六年知縣蔣以忠捐俸倡民築造十洋通衢因卽其南建亭臨河扁曰所憇嗣廢

光風霽月亭在縣治鴈塔前明弘治閒知縣潘府創嗣廢

善壇亭在縣東嶺口元至正二年里人林景仁建爲南北二鄉

長樂縣志

卷之二

古蹟

巽

人往來憇息所舊繪虞芮質成圖于壁使凡爭訟者觀之知感勸故名

義漿亭在縣東嶺口甘泉寺側舊名曰茶亭宋嘉祐中縣丞王企改建後廢至元祐丁卯復建二亭左曰義漿右曰義泉嗣廢

勸農亭在縣治南山之陽明弘治閒知縣潘府建嗣廢
皇華駐節亭在縣南門外永寧橋北卽舊一事堂久廢明隆慶五年知縣蔣以忠重建又廢

江山第一亭在縣治吳航渡頭宋開慶中縣令吳一鳴建面瞰

江流元季傾圮今並無址

馬江亭在縣半里馬江渡之北舊名臨江館宋元祐丁卯建明

嘉靖閒燬隆慶三年知縣蔣以忠重建為駐節堂邑人鄭世

威書扁知縣蔣以忠重建

有記邑治之西門外不十武而近曰馬江渡者舟航鱗集自邑達省

會達他郡縣悉由此渡乘帆往凡自省會自外他郡入邑者亦操艇直抵滸登焉其地舊有亭以便客使駐節昔年燬于寇燹遂弗輯客至鮮憩息所僅僅敗瓦斷碑錯卧蓬蒿閒荒矣余拜命令吳航以已巳夏抵邑治時方新雨冠蓋來迎者悉從灣中相揖勞余為躊躇茲治一邑門戶可使無蓋藏涼涼至是乎圖營之未便也居越月有商僧願輸金可貳百餘廉之此金舊不注籍官為入之橐久相襲矣余謂金不籍而囊何異暮夜其乎乃下令戒諸僧勿入金其以秋毫來罪也眾嘖嘖吐舌去已而復來言例金不入吾儕小人靡寧處矣願以新馬江之亭若何余心善之為請于府于巡道俱許

長樂縣志

卷之二

古蹟

辛

可遂檄令興事其工役木石諸費隨令僧中有心計者籍掌而別擇邑耆二人董之前為亭一楹扁曰迎恩中為門一座曰江山一覽後為堂三楹扁曰駐節最後為小齋一楹扁曰退食亭之前臨江為坊一座題曰海濱鄒魯仍宿號也下方備書邑人科第姓字云是役也凡再越月乃成地不改闢而規畫制度視昔加十之五巍峩峻整形勢倍壯復置守者二家令司之時啓閉防損壞也余嘗謂治邑如治家士君子釋褐佩符提百里之封疆坐而理之黎庶吾嬰兒也畎畝吾田疇也學校吾師塾也廨宇吾堂奧也城郭吾垣墻也郵亭吾外館也嬰兒既育田疇既蓄師塾既整堂奧既飭垣墻既固而外館且弛客至無歸終非完事治邑豈異是乎吳航之邑廢墜滿目余承乏於茲輒扼腕而嘆自今稍稍次第舉矣亭既成士民欣喜縉紳交集余語之把酒臨江因念西蜀之亭以雄而顯超然之臺以軾而著岳陽黃州之樓以仲淹元之而彰余愧非數子亦何足為茲亭重惟嗣來者守而輯之庶永永弗蠹云因書諸石以告後之君子袁正規詩別見陳傳望江亭詩山藹峩峩江岸深望賒亭影落江心無風萬里磨平玉有月千波漾碎金思遠解邀無可句流清宜瀉不齊琴

仙槎一棹驚秋晚
此去銀河尚幾尋

嗣廢 國朝乾隆戊寅知縣賀世駿建鹽

倉二座前後各三間積貯鹽劬

清源亭在三都幽林山明弘治癸丑知縣潘府創

有嗣廢記

垂露亭在七都瑞峰寺前釣鼈石上宋慶歷中觀察使蘇子翁

勒字于石作垂露體故名

高亭在七都當陽寺宋嘉祐中縣丞王企建

接官亭在十都明永樂閒建基存

觀音亭在十都盤谷巖下大石上覆不假片瓦

佛厝亭在十都普塘東

長樂縣志

卷之二 古蹟

五

登高亭在登龍山宋修撰林安上建久圯

白雲亭在十二都竹林寺宋元祐中縣令袁正規建

縣令袁正規邑人林

通徐壽朋 嗣廢 詩俱別見

董塘亭在十四都董塘湖上

望海亭在十九都靈峰寺側宋熙寧中運使張徽建

里人陳公榮詩別見

翠微亭在十九都望海亭西宋嘉祐中縣丞王企建

御溪橋亭在二十都御國山下原有橋今圯亭尚存

觀稼亭在二十一都冠嶼山明弘治三年知縣潘府建

有記弘治改元

之明年夏予出舍省農至冠嶼山即俗名鶴山是也山以鶴名而未始有余方疑詢閒倏忽數十鶴盤飛戾天既而集止

山頂余遂登山遊覽時見旱禾將稼晚禾尚苗仰天祝曰雨
順風調謂之福官救災恤荒謂之能官予願為福官不願為
能官祝畢大書觀稼二字于石壁而去鶴亦隨散前此樂民
歲苦旱災癘疫至是越壬子冬凡數年穀大登民且弗疫者
宿等議建亭于鶴山請以瑞鶴名予笑曰此偶然耳不足紀
也且無益于民事適以啓後世幻妄之譏曷若名之觀稼乎
庶幾務本之意吾輩牧民者固將時舉勸相之典而不敢利
已以病農為民者亦將自力于衣食而禮義之教可漸行矣
橫嶺亭在二十一都

初雨亭在大宏里東林庵知縣吳遵禱雨憇于庵後民建亭以

志之知縣詹萊扁曰初雨

有記

渡亭在大宏里登文道側文石經商者公建

梅華駐節亭在二十三都朝元堂

長樂縣志

卷之二

古蹟

五

新構

石岳嶺亭在九都雍正閒生員陳林美建

北山嶺亭在九都乾隆元年建

鶴嶺亭在十三都五顯廟前

鳳井亭在大宏里鳳林菴前

雲路亭在十六都西來寺乾隆己未年建

觀音亭在金墩街

石門書屋在八都前有池通溪水後有巨石陳氏建

硤愚書院在大宏里嶺南陳氏創

鏡湖書室在嶺南鴈山俯瞰嚴湖平明如鏡故名

鴻山草堂在大宏里山窩地勢平曠環植竹木多奇石中有泉

清冽

菊潭精舍在潭頭陳氏別業

敬亭在厚福林姓建

諸生董大蘇聯云窗外竹敲聲無塵不掃毫端梅吐氣有句皆香

浣腸居在金墩池水環繞其外雜植竹木於旁李氏創

棲竹居在周山陳氏建

仙山亭在十七都萬壽寺前

睢園在厚福林氏構

長樂縣志

卷之二 新構

補補亭在十四都紅鼇山之麓有老松三株陳氏創

桂石軒在十六都歐陽氏讀書處

翠微居在東洋黃氏創

橋渡

埠道塢附

資聖橋在縣後水關之上上接六平溪水下通阜民橋舊有寺

阜民橋在縣後水關之下上接資聖溪水下通下櫓橋明知縣

蔣以忠督居民鄭大智義造

國朝乾隆四年大水冲塌二

十一年里民重修二十四年知縣賀世駿復捐造並砌一帶

官路

下櫓橋在縣東舊六平門外宋元祐閒里人陳毅造一間長一丈二尺濶八尺上接阜民橋溪下通永濟橋蓋五顯祠于其上 國朝乾隆甲子年邑諸生陳鶴鳴倡捐重修

永濟橋在縣東儒學前又名達道橋宋元祐閒里人鄭君等造一間長一丈二尺濶七尺上接下櫓橋溪水下有二橋一在祠山廟旁一在水關內引港水由水關入文洽浦

南陽橋在南門內所憇亭西上有石欄明隆慶六年知縣蔣以忠造

陽春橋在縣南關外西南接永寧橋潮水上達文洽浦旁有石

長樂縣志

卷之二

橋

五

碣鐫明萬歷辛卯里人陳省造嗣壞 國朝乾隆二十四年

知縣賀世駿捐造並砌兩岸

太平橋在縣東唐上元初里人林巨卿造上接芝山諸水下通

普炤橋明弘治閒圯署縣事姚禎重造名豐泰橋俗呼觀音

橋嘉靖閒復圯隆慶五年知縣蔣以忠更造上為亭兩岸有

路改今名

有記長樂之東門舊有觀音橋為邑人往來要津而芝山六平首石小洞天諸流俱會其下昔年霖

霖暴漲衝激崩裂居民架以浮木苟為濟渡木又就圯行者病涉余來視篆之三月百廢稍興乃邑人以橋事來告余謂茲有司責也前令率因循俟遷去不為修舉余其焉辭然不可以不煩吾民歸簡家篋得五金召里中耆林舜章輩董是役曰汝且以吾為倡當必有嗣吾志者未幾僚佐助之庠三師助之邑縉紳士民競助之不踰月得金百十五有奇而橋

工興焉易木以石更故以新屹然隆然堅毅倍昔橋之上復建亭三楹便憩行者落成之日稚老圍橋余因諭于衆曰觀音乃佛家者流橋用爲號不可以訓今易名太平以示人和時寧之意民拜稽首謝是歲果海波不警田疇再登米斗四錢民咸樂業衆欣欣爲太平之應相與伐石樹之曰橋之識也不可不記

迎春橋卽新橋在縣東門外明隆慶閒知縣蔣以忠造上接鐵爐溪水下達普炤橋旁有碣鐫迎春橋三字

利行橋卽中橋在縣東嶺口上接九溪山水下入河頭浦後圮乾隆十九年里人陳亨平捐造易今名二十六年亨平重修普炤橋卽紅橋在縣東河頭洋宋治平閒僧光覺造旁有泗洲石小塔夜點長明燈因名普炤上接太平九溪諸水下通永

長樂縣志

卷之二

橋

五

寧橋嗣圮明嘉靖閒鄉民重造 國朝乾隆二十四年坍塌知縣賀世駿重修

永寧橋在縣西南半里許皇華駐節亭前舊名奎橋又云庵頭橋明成化十九年橋圮弘治辛亥知縣潘府重造故名潘公橋嘉靖己未倭寇至官毀之隆慶六年知縣蔣以忠建亭其北更名永寧橋存亭圮

務西橋在縣西或云塢前宋淳熙五年里人陳自得造一閒長一丈二尺濶六尺上接畫省臺金斗坑溪水下通柿浦入馬

江

柿浦橋在縣西臨江滸上上接塢前橋水舊有石梁後築城立水關于此

利涉橋在河南街

豸橋在二都後灣舊名洋門大橋宋嘉定間僧造三閒長四丈濶八尺上接延祥湖水下通三山港龍門渡由此而通嗣圯明正德閒里人重造

延祥斗門橋在二都前灣興濟堂前宋淳化二年延祥寺僧造一閒長一丈四尺有閘以蓄蓄延祥湖水上接坂頭山水下通豸橋

長樂縣志

卷之二 橋

五

斗南橋在三都官路之南濶丈餘長二丈又名聚魁明崇禎十四年里人鄭際明募緣重修

下溪橋在三都岱邊村濶八尺長二丈

香波橋在三都岱邊文巷口濶八尺長一丈四尺

周橋在三都珠湖濶七尺長一丈有亭

井頭橋在三都幽林濶一丈長一丈五尺深一丈四尺路通坑

田

拱北橋在三都官路之北濶丈餘長二丈

總橋在三都幽林濶八尺長一丈二尺深一丈

下碓橋在三都幽林濶七尺長一丈深一丈

後溪橋在三都宋熙寧六年里人高從造一閒長一丈濶五尺

上接石龜山水下達于浦

方山橋在三都白竈浦長二丈餘濶一丈乾隆戊午年闔里重建

忘饑橋在四都宋游知鑒造知鑒時游息其上取樂以忘饑之

意長十六丈

舖下橋在四都坑田通縣路宋淳熙二年里人邱鏗造一閒長

一丈濶四尺上接芹山澗水下達于浦明嘉靖丙申知縣劉

長樂縣志

卷之二 橋

五七

士達重修

坑田橋在四都坑田渡頭為倭所焚多溺人里人郎中林世章

造三閒長四丈五尺濶一丈

有序余坑田渡口有石橋三門創自余祖源保公及邱仲和氏

之曾祖蓋津旅耕氓稱便者百餘載矣嘉靖戊午倭船無慮數千艘由橋燒船登劫橋因燼焉自是旅咨漫農悼涉余當家食時嘗惻惻嗟之顧非常之元無緩頰騰眉舉也乙丑歲予第春官歸始上其事於代巡陳公則下之縣屬予有吉州之行議竟格余嗣歷南北郡郎官先事念固沾沾此也今年冬予得請告還棹抵橋下睹斷石頽沒橋成滔天之浸問之行人牛畜往有溺者乃浩歎曰茲非里中第一事哉予將蒿目任之矣度其費可二百餘金顧囊無贏俸躊躇積幾日則之里長老謀焉諸長老咸謂吾輩久思公歸為里中起不世澤公既以身先之眾當嗣公志者於是發家篋得金數十鏹畀役人為茲橋倡眾又謂吾鄉故貧即纍然輸于義詎能畢工度橋之田得橋則易而耕曷稅之田稅矣彼日招招于橋

之渚者非渡船與薄分其利可以益需里富列田之家環橋
寓土著胥有覓于吾橋視渡船等量所入而征之必無囂矣
橋下頗稱要津操舟之賈日至以義而令若助也疇弗勸乎
他若畚築之役則遞催編戶木椿之具則估伐地產而吾儕
當若事者咸一心競力弗譁奪錙染焉庶其集矣議已余稽
首再拜曰幸哉余孺子之志諸長老克成之也余將諗于邑
夫大

牌頭橋在四都道通福清歲久傾圯明弘治辛酉知縣王渙重
造 國朝康熙辛未陳斯儀重修

龍首橋在四都上接鼇峰下入白田道閩縣長樂分界在此

大使橋在四都楊大使祠前宋慶元丁卯年造明洪武乙丑年

陳彥通重修正德乙亥年陳鑑重修 國朝乾隆庚申年里

長樂縣志

卷之二 橋

五

人陳嵩生捐修

拱橋在五都宋延祐三年里人林貴造一間長一丈二尺濶一
丈

洪橋在五都明萬歷己未年里人林什造一間長一丈濶八尺

浣龍橋在五都明萬歷閒造三閒長四丈六尺濶七尺

寶龍橋在五都明萬歷閒造長一丈四尺濶八尺

保福橋在五都溪湄雍正年閒修

合溪橋在六都界合四都五都六都水共流橋下不知造自何

年明天啟乙丑年馬思裕重修

行相橋在六都三間正德七年知縣梁輈為尚書林延選造故名

獵溪橋在六都宋元祐戊辰造凡三間上通五都福清界橋圮基存

郭橋在六都雲谷寺下里人郭氏倡造故名

仙橋在七都宋淳祐二年新城寺僧造三間長六丈濶八尺

國朝乾隆壬申夏水衝壞里人重修

中橋在七都凡三間上接郭橋下有渡橋此橋居中故名

靈源橋在七都宋元祐丁卯甘泉寺僧造一間長一丈二尺濶

長樂縣志

卷之二

橋

五

五尺

溪上橋在八都迤南有小橋路通破石搏紗二潭宋元祐丁卯

僧造凡四間 國朝雍正甲寅年里人潘振武倡募重修之

記

下橋在八都橋傍有石碣勒二難二字宋潘循潘衢兄弟同登

進士故書 國朝順治十二年重建

平橋在八都康熙三十年重建

桃坑橋在九都宋嘉泰二年里人陳德初造凡三間長三丈濶

一丈上接董峰山澗水下通桃枝湖尚書張鎮初應試過此

橋曰取青紫如拾芥後立碑勒取青二字因呼青橋

藍盤橋在十都凡十餘間上接九都桃枝湖十三都白龍潭諸

水溉田下通斗門入海

三圳橋在十都曰南圳曰墘曰崎上接桃枝湖水路通十三都

過水橋在十都上接鶴溪水路通十四都上有龔齒閘

登龍橋在十都上有亭亭圮石柱存

社學橋在十都

湖塘橋在十都宋紹興閒里人鄭綱造 國朝乾隆五年重修

南溝橋在十都斗門之南

長樂縣志

卷之二

橋

六

露松橋在十都龍泉寺下唐大中閒百丈禪師創有碑云露垂

天澤松發地靈地天交泰元脉永興橋圮碑存

山南橋在十一都上接橫湖水下溉田

圳頭橋在十一都

山北橋在十一都上接湖水通興龍橋下達新圳

新寧橋在十二都平川明弘治閒重造有碑里人陳莆書後圮

國朝乾隆甲戌重修

剡溪橋在十三都光嚴寺僧造源出白龍潭流達玉溪下溉田

今名盧頭橋

玉谿橋在十三都

象橋在十三都光嚴寺後明正德三年知縣梁軻重造又名梁公橋 國朝雍正癸丑大水橋盡圯陳懋施倡里人重造增高三尺

遊溪橋在十三都宋寶元二年里人黃仕頻造一間長一丈濶五尺今名寶溪橋

杜橋在十四都寶林庵之東上通東洋塘諸湖水下達震龍橋震龍橋在十四都唐水部林慎思造上接杜橋下通大塘橋宋政和間林嘉敏捐修 國朝康熙間平遠知縣林天柱捐修

長樂縣志

卷之二

橋

空

大塘橋舊名旒峰橋在十四都上接震龍橋下達白石頭橋斗門

錦橋在十五都宋淳熙乙巳里人陳惟大張渙章造凡一十五間長五十丈濶一丈二尺又于橋西築海爲地以固橋道上接元祐港水下通漳港其橋石欄鑱紋如錦故名又名石梁橋

開兜橋在十五都半嶺下接黃埕湖水達錦橋

小劉橋在十六都北接雲路橋南達杜橋

雲路橋在十六都東接表賢橋南達小劉橋

表賢橋在十六都北接雄橋西達雲路橋

雄橋在十六都北接三閒橋南達表賢橋

龍津橋在十七都宋至和元年里人陳嘉謀造一閒長一丈濶七尺

渡橋在十九都昔有云道通東洛繇海路至此

祉溪橋在二十都小祉元至正二十六年福建行省武畧將軍林文楚造凡八閒長八丈濶八尺上接福清縣界水下通于

海嗣坍廢

赤橋在二十都乾隆三年里人領帑叁百五十兩重造有闌以

長樂縣志

卷之二 橋

三

資蓄洩南有壩十餘丈

金沙橋在二十都壠下凡三閒濶八尺長五丈乾隆十四年里

人募緣建造

碑記別見

資福橋在二十一都宋宣和三年資福寺僧造二閒長二丈濶八尺上接宏源水下通化龍橋

下祉橋在二十一都宋天聖五年造一閒長一丈濶七尺上接

見坑水下通資福橋

塔頭橋在二十一都宋元祐三年里人陳訥造上接宏源溪水

下達杜橋門

化龍橋在二十一都埧頭一間長八尺濶六尺上接資福橋下

達三閒橋

夏志云此依劉志改正郡志亦載化龍橋在二十一都埧頭評事海田張建鄭志作化鱗橋宋元祐

二年鄉人陳訥造從前為核

三閒橋今名三星橋在二十一都宋慶歷五年里人陳智光造

凡三閒長五丈濶六尺北接七閒橋南達雄橋

化鯉橋在二十一都唐福溝中北連真武廟乾隆壬申年里人

陳文房捐造長六丈濶七尺共三閒

雲龍橋在方安里宋宣和五年里人劉震造凡四閒長八丈濶

八尺碑勒雲龍下通斗門橋

長樂縣志

卷之二

橋

奎

港頭橋在方安里有開

翁橋在方安里潭頭洋宋慶歷五年里人翁績募緣造

陳塘港木橋在大宏里厚福架木以通海岸

七閒橋在大宏里宋紹興二十年里人李廸造凡七閒長六丈

濶三尺南接三閒橋北通西溝

國朝乾隆戊寅年里人重

修今名集仙橋

西溝橋在二十三都

單橋在二十三都上接東西溝水下洩于陳塘港橋石一條長

二丈餘故名

莆盛橋在二十三都明崇禎十二年里人陳達功鳩造知縣夏允彝復爲倡造斗門二十丈禦賊積淡藉以溉民田爲諸湖關鎖 國朝乾隆十九年里人周爾永等重修有碑

沙合橋在二十三都陳塘港古識云陳塘沙港合舉子勝莆田橋初名勝莆明嘉靖甲午知縣劉士遠改今名

渡

臨江渡舊名馬渡在縣治西馬江太平港一潮一百二十里至省城河口路通橋舟常覆知縣黃瑞鶴改今名

潘公渡舊名新渡在縣治南中港一潮一百二十里至省大橋

長樂縣志

卷之二 渡

畜

菴頭渡在縣治南潘公橋一潮一百二十里至省城大橋

此渡舊名

河南渡並上二渡皆係吳航渡今河南渡稅三渡均勻詳田賦志

洪塘渡在縣西河南一潮一百三十里至省城洪塘

館頭渡在縣西馬江柿浦口至連江館頭

琅琦渡在縣西門外馬江柿浦口至琅琦八十里

鎮渡在縣西門外臨江渡頭至閩安鎮三十里

洋門渡在二都一百二十里至省城

陳坑渡在二都洋尾下至省城一百里亦名陽夏渡

珠湖渡在三都一百二十里至省城

坑田渡在四都坑田卽古之白田渡田圖經作纏一百二十里至省

城

文石渡在文石灣頭登文道頭灣泊潭頭港由閩安鎮一百二十里至大橋戶部前明萬歷年間各鄉文人捐貲修砌因名登文自紳衿來往及儒童上省應試槩不用渡錢 國朝康熙辛未年海潮衝壞壬申年北鄉文人捐修乾隆甲子年重修

澤里渡在方安里獺嶼旁雍正丁未年建由閩安鎮抵大橋戶部一百二十里凡紳衿往來儒童應試者例與文石渡同

長樂縣志 卷之二 渡 奎

琅琦渡在方安里籌港內北二十里抵閩縣琅琦

亭頭渡在方安里籌港口西二十五里抵閩縣亭頭

橫江渡在方安里籌港口卽古之都官渡西北三十里至連江

縣館渡頭

坑田館渡在坑田至連江館頭一百二十里

永福渡在縣西菴頭橋明崇禎年間設立一百二十里至永福

瀨下

過江渡在縣西臨江館前通閩縣光俗里明嘉靖中光俗人朱

仲素奏立義渡本縣每年均徭編渡夫二名按三山志初臨水洋門陽夏白

田四渡皆貧民私舟渡人舟師非其人操縱不調以致漂溺者往往有之宋嘉祐初始置三官渡于臨水募善水者爲舟師渡者人輸錢七籍給募者餘爲船具及補敗之資後因循不舉嘉祐六年縣令丁掌奏乞舉行明年勅以白田距臨水十五里陽夏相距八里洋門相距五里且同岸又三渡水路皆非征者所由遂罷之止于臨水造四大船船所載止百人水手十五人小者五十人水手八人渡者輸錢伍均給與之紹興九年流寓民婁子清乞收江淮河港溪渡錢遂令日收歲終較額最嗣是官渡悉廢私舟復行然諸渡舟人多夜載或遇盜或值風則皆倉卒無措不知所禦避明正德閒知縣王渙因是遂禁夜渡仍立潮候行船時刻以示人後復不能遵矣然邑渡舟惟往來會省渡者人輸錢幾何正德末隣邑人競渡利訟于官遂定重稅久之逋稅人高惟柱等收繫禁獄訴于巡按御史陳下知縣吳遵議悉蠲舊逋釋惟柱等至嘉靖三十四年更定諸渡舟課糧每舟若干石渡大小衝僻有差然課額稍輕諸渡之逋負者鮮矣邑人陳時範渡稅記閩海山四塞舟楫不通外省江楫雖溪行弗達惟信潮汐程晝夜來往于省會之間故土人謂之渡有課無稅以其僅止

長樂縣志

卷之二

渡

矣

濟人也凡五處曰河南曰馬江曰坑田曰陳坑曰龍門正德末隣邑人設渡於五竹江與隣渡競利鳴于官官曰是無稅也遂爲定額蔓延于五渡皇帝登極赦宥天下稅在蠲免未除額也十八年隣邑人再訟五渡復蔓延至二十年坑田人赴京師奏乞加課毋稅二十六年河南龍門人亦援奏乞毋稅事行臬臺弗得免且重罰金渡人如高惟柱周季資者收繫禁獄歲久至二十九年巡院少嶽陳公泣按我閩惟柱諸人備述所疾苦哀訴得憐議行二司守巡諸公欲蠲舊所逋稅之半自庚戌始并稅課額盡蠲除之諸公計非吳令尹無足議斯者遂移文至邑吏捧持以進公覽之泣下曰甚哉增斯稅者何人哉彼非有山林川陸天材地寶金錫丹青珠璣纏旄魚鹽漆系梗楠薑桂旃裘筋骨之類浮江達河越于關市將何以稅國家自浙江淮海維揚以北遞設鈔司以譏行商于其貨耳司徒郎猶加恕恩焉且巡院公所云蠲積逋半者亦視我有司識斷耳若以爲不可蠲則何但半若以爲可蠲則不在地貢不奉詔旨官得酌宥何半之云後此可盡蠲必前此可全蠲巡公之見有不出是哉渡人終日瀕波濤不過一金歲辦則三四十金累年歲至千百金縱樂非吾赤子

吾猶憐之矧五渡居吾樂壤者三豈不哀哉不逾日躬詣諸渡口問水濱詢故老會詰其所以得稅之故返而搜諸舊所淹抑案牘爲文以白諸公嘉公之識仁公之衷欽公之斷卽以自巡公巡公忻然曰吾志也乃召渡人惟柱等悉出之盡蠲其所積逋惟柱諸人流涕哽咽不能言曰吾諸渡人棄鬻產業百倍不足償稅無措終吾身與吾子孫當死于獄靡有子遺生我世世者公也願伐石請記休德余謂國家統天宏化體元若物禹貢壤賦周官地徵務在厚生與民均利豈忍窮錙銖於細微甚非所以宣奉朝廷德意也昔尹鐸爲晉陽損其戶數倪寬課殿陽城拙徵古之仁人君子用心大率若此公於吾樂諸寺觀官租每上官使至輒爲俛容頻蹙喟然嘆息慎爲支吾及接上官極道閭巷杼軸不能歲輸官租之意其所欲亟蠲去有甚於斯者爲夫今之寺觀田大半歸之民其徭役輸辦豈殊編戶官又爲之入其租久之積逋則動以巨萬且鞭笞敲朴死亡隨之此其爲害寧下於渡人之稅哉又嘗堅驛傳之議折憲巡之令免編樂人傳中夫首長斯役也民所恐慄竄避寧捕毒蛇死猛虎而可者其誰實悉念之卽今郡之十邑並受其福公之休德豈直蠲渡人稅德

長樂縣志

卷之二

渡

宅

公者豈蠲渡之人已哉余故併記之俾樂人頌公百世云

馬頭埠在縣西隅吳航頭通馬江聚舟之處明弘治壬戌知縣王渙命工累石砌道通津

河南道在縣西河南舊名鼓山道後以巨石焚之爲商販聚舟之處

庵頭塢在永寧橋前商販聚舟之處

郵政

普濟堂在縣治後西邊雍正二年奉文建以收孤貧老病者

育嬰堂在縣治後西邊俗名壇頭巷康熙四十七年間奉文飭

建知縣楊廣裕買民舊屋三柱四榭三間坐北向南修葺為堂前有天井圍墻南係北壇左右皆民居雍正二年知縣楊儒臣奉文重修乾隆元年知縣殷鳳梧又奉文修葺

藥局在縣治西半里舊稅課司也明隆慶四年知縣蔣以忠改建為局嗣廢

養濟院原在東門外芝山之麓明洪武閒知縣邱宗亮改置邑西河南巷弘治十五年知縣王渙改置縣東龍津坊然襍居民中不便出入隆慶四年知縣蔣以忠申請司道以原地醫于民取價買地移置原所房二座各五欄門一座有記國家惠育元元

長樂縣志

卷之二

郵政

矣

令建養濟院於諸邑收民之鰥寡孤獨及疲癯殘疾顛連而無告者養於中月有餽歲有衣載在令甲俾長吏受民而牧者以為首務其奏考當道者必首稽焉吁茲惟重矣長樂舊有養濟院在鎮海門外不二武已未歲燬于燹久莫能建諸窮民罔所庇覆藉草露以居或散之溝壑噫速之斃耳余已已夏來為是邑詢疾苦舉墜緒觀茲廢闕狀若罔寧處亟議建焉顧舊址在市廛中諸老疾與平民錯居出入厥疾傳染有死于是者乃居人數十輩爭言於余願擇地遷之便余恐其非信也覈之信矣爰命度所宜獲地於城東北遂即舊地鬻之得銀若干緡余因捐俸助焉市材鳩工越月告成凡為堂幾間為屋幾間繚以垣墻固以門扃遷諸窮民來居之諸窮民貿貿然來已于于然喜罔不手加額願須臾無死享厥成且與市廛民各止其所無相及也諸市民亦罔不鼓舞稱便云今夫匹夫匹婦至藐小也至如鰥寡孤獨疲癯殘疾而無告則又微乎微矣而聖王必先焉蓋於天地皆同胞也於父母皆赤子也乃其情尤可憫其勢尤易以泄忘肆我皇明益弘斯理吏賦政于邑使庶物咸若庶民咸遂惟茲無告乃墊于危亡而莫之省憂將向隅泣矣庸獨忍乎哉且非命吏

意也余是役亦幾免于鯨曠云耳於其成因爲紀其歲月崇禎十一年知縣夏允彝撤淫

祠三間增建其後國朝因之陸續增建至五十三間乾隆

五年署縣姚循義因孤貧人夥不敷居住動帑銀八百八十

八兩八錢零增造二十七間統計八十間每間高一丈一尺

八寸寬九尺深一丈六尺乾隆六年里民陳孟賈等又以院

宇癩疾迫近居民請遷改建于東關外黃壑山離城三里建

有十四間未幾隨圯至今尚居原所

義冢舊在縣之鄭山明弘治閒知縣王渙改置于十洋門外回

回墓廣二畝仍買民園三畝五分足之爲漏澤園邑人劉則和記皇帝

長樂縣志

卷之二

郵政

堯

臨御之十有三年省府以旱災聞時廷臣議所以和人心以回天意者中有及于漏澤園一事公論臚之遂移檄天下郡縣令所轄官地內各立漏澤園一所如無則處置官錢購地爲之俾貧乏不克葬者咸于此瘞埋不許棄屍原野有傷天地之和甚盛心也檄至縣時象山王公時霖適以名進士知縣事乃作而嘆曰聖天子垂憫窮民之澤如此其至乎豈惟使生者無痛心泚頰之苦而死者亦無遺憾于地下矣吾職民牧所謂民之父母也使不能祇承德意以及窮困之民其父母斯民之責安在乃延訪境內得邑治之南隅所謂回回墓者其地二畝有奇其餘購地之資與凡磚石等費皆未知所出也適邑丞餘姚徐公忠以臺臣命出藩司金自汀郡買米賑饑來入預備倉其數視前多若干石可直金若干侯大喜曰漏澤園之作吾有所措矣乃購其旁民黃約等地以益之共若干畝他如石之直若干磚瓦之直若干竹木工役餼廩之費又若干悉出於茲而於民一毫無預于是遂卽其地繚以周垣列以序次墻之基廣三尺高七尺周八百六十尺外立柵門榜曰漏澤園經始于是年某月某日至某月某日而工訖焉邑之耆彥莫不歡欣相告曰叢冢之作邑所未有

我侯能敬恭上意因賑恤之餘毅然爲之不憚恩斯溥矣可使泯泯無聞于後乎遂走書俾予記其實予聞之昔文王作靈臺得遺骸而瘞之當時以爲澤及枯骨此漏澤園所由始也宋陳向爲開封使者行部陳留嘗奏請斥官地以葬蔽野遺骸詔命總其事至是天下郡縣始有漏澤園矣今聖天子漏澤園之作是卽文王不忍暴棄之仁也賢大夫能體上意爲之於荒蕪之餘又與陳向之心暗合非其惻隱之心鬱積于平日者能之乎嗚呼侯之澤及幽冥如此則於生者可知矣予聞侯于賑恤之粟歲當歸官不以責之貧民乃勸富民之稅券者償其數其澤及生民者猶可徵也後之今斯邑者尙其體侯之心修葺之不至於廢

正德閒知縣曹鉉移置天

王寺前嘉靖閒居民柳十赴按察司呈改置于縣西長洋小車

漏澤山在后山四墓之前宋里人陳克賢捨山一派直二十五

長樂縣志

卷之二

郵政

七

丈橫四十餘丈凡孤貧不能買山者皆得葬此

國朝義冢

- 一在東隅南關外官山一所土名瓦窰計丈五畝乙分零
- 一在西隅北關外邑厲壇邊計丈四畝二分零
- 一在西隅北關舊壇地計丈三畝五分零
- 十都義冢在嶺頭山計丈一畝四分零
- 一在魁龍山計丈二畝一分零
- 一在山層樓計丈十畝一分零
- 十二都義冢在開門山計丈五畝三分

十五都義冢在牛山周圍三里許

十六都義冢在鴻山東北左右礮石鐫字為界係二圖公立

一在濠溪墩一帶長五十餘丈濶五丈餘

一在華嶺石佛厝西南畔

一在魁嶺踏板山

二十都義冢在沙坂計丈五畝零

二十一都義冢在冠輿山周圍里許

大宏里義冢在一隻壇計丈三畝零

二十四都義冢在馬潮山計丈二十畝零

長樂縣志

卷之二 郵政

七



長樂縣志卷之二全